



1 2 3 4 5 6 7 8 9 10 11 12 13 14 15 16 17 18 19 20

了翁上座請大藏及有
家書置之武州紫雲山
我微笑塔院庭府中永
為學者不敢許出院內
富山二世鐵牛機謹誌



大寶積經卷第六十六

高齊北天竺三藏那連提耶舍譯

菩薩見實會第十六之六

虛空行天授記品第十二

B 64353

爾時復有八萬虛空行天見阿修羅迦樓羅及龍女
龍王鳩槃茶乾闥婆夜叉緊那羅等供養如來并聞
授記皆大欣喜踊躍無量於佛法中深心愛樂爲供
養佛故起勇猛心彼虛空行天於迦毗羅城外周徧
八萬六千由旬雨曼陀羅華徧布其地至於人膝兩
曼陀羅華徧布地已持供養佛繞佛三匝卽以偈頌

而讚佛言

諸根寂靜微笑面

救護一切諸衆生

善逝具足大慈悲

故爲世尊人師子

如來大衆皆安住

於佛法中及涅槃

導師世尊勝妙足

我今頭面而頂禮

如十五日月盛滿

世人皆禮星中月

如是一切諸天衆

覩佛笑面咸敬禮

積集無量大福聚

亦復成就智慧身

具足無量大威德

故我頂禮世間親

具足十力功德山

於諦無畏離三垢

成就十八不共法

明見無疑說中勝

具足三十二種相

八十種好而自嚴

其心勝上如帝幢

故我頂禮無等等

已能究竟特戒力

禪力決定不傾動

執持最上智慧劍

最勝勇健降天魔

於智慧力到彼岸

調御聲聞心無惱

其心寂靜遊諸方

度脫一切諸天人

世尊人中勝師子

得於最上寂滅法

唯然十力願我等

亦當得此勝妙法

願我亦當天人中

爲諸世間所信樂

願如世尊等無異 了知衆生心樂欲
願我得利諸世間 以憐愍心大悲心
墮生死海苦衆生 願我皆能得度脫
願我於諸天人中 得作無上大導師
我當解脫諸有趣 爲百苦逼諸衆生
爾時世尊知虛空行天淡心信樂已卽便微笑時馬
勝比丘卽以偈頌而問佛言

佛牟尼王非無緣 三界照明現微笑
惟願十力爲我說 爲何衆生現喜相
見佛如來最勝面 現微笑相令衆喜

一切大衆皆懷疑 願聞佛說笑因緣
願大導師速爲說 微笑因緣利益事
願爲除斷衆疑網 沙門中王爲宣說
孰能令佛現微笑 誰於佛所上供養
令誰能達生死底 願人師子除我疑
誰於今日動魔宮 令魔狂亂心不安
誰於今日令天衆 悉皆欣喜大踊躍
惟願爲我速宣說 除斷一切世疑網
大衆若得聞佛說 一切皆悉大欣喜
爾時世尊卽以偈頌答馬勝言

馬勝汝今請問我 虛空行天受記事
汝今問我大利益 無量世間諸人天
十力師子若無問 不得爲說佛子記
汝於今日問如來 廣利一切世間故
是空行天於我所 以欣喜心供養我
過於阿僧祇劫數 滅除煩惱得成佛
從於此間終沒已 便卽生於天勝處
於無量億諸佛所 悉以香華修供養
於彼佛所發道心 亦復增進菩提意
以說無量勝妙偈 讀人師子自然智
此等當於未來世 無量無邊諸佛所
以勝香華而供養 亦以妙偈而讚佛
那羅延身菩薩等 供養讚歎諸佛已
於當來世欣喜劫 得成最勝無上智
其佛號曰華幢尊 名稱普聞無譏毀
彼佛刹中無地獄 亦無餓鬼及畜生
彼等八萬天神衆 皆同一劫得作佛
彼佛刹中無地獄 亦無餓鬼及畜生
彼土亦無修羅趣 無有一切八難等
此空行天成佛時 彼土一切諸人民
彼諸衆生壽無量 果報猶如忉利天

1 2 3 4 5 6 7 8 9 10 11 12 13 14 15 16 17 18 19 20

綱

其國不聞惡道名 何況而有作惡者

彼時衆生皆如法

一切悉是調伏衆

彼佛度人無量億

其數過於恒河沙

爲說無依無著法

十力度脫彼衆生

彼佛入般涅槃已

廣布舍利起佛塔

彼佛一一諸舍利

於中皆現佛身相

名稱無毀諸身分

爲彼衆生示神變

無量億數諸衆生

皆發無上菩提心

導師如是智方便

一爲彼空行天授記

一切大衆聞記已

皆悉欣喜大踊躍

四天王授記品第十三

爾時九萬四天王天見阿修羅迦樓羅龍女龍王鳩槃茶乾闥婆夜叉緊那羅等供養如來并聞授空行天記皆大欣喜踊躍無量於佛法中深心信樂譬如有人乘於瓦船入於河中心作是念如此瓦船不久當壞未沒以來可速度岸以免水難如是九萬四天王天亦復如是觀佛威神爲得佛法故起深信樂發勇猛心供養如來爾時四天王天并四天王變化九萬七寶妙帳襍色種種端妙希奇廣大嚴麗其中多有赤真珠帳火珠寶帳瑠璃寶帳天金色帳金剛珠

123456789 10 11 12 13 14 15 16 17 18 19 20

帳化作如是九萬七寶帳已於虛空中繞佛三匝又復化作九萬天樂於虛空中亦復旋轉繞佛三匝又復化作曼陀羅華摩訶曼陀羅華曼殊沙華摩訶曼殊沙華迦迦羅婆華摩訶迦迦羅婆華持此化華而散佛上復繞三匝卽以偈頌而讚佛言

諸天有九萬 悉於導師所 皆一心合掌

願樂佛功德 無掉亦無沒 無貪亦無悔

無舉亦無下 故禮兩足尊 斷除諸有種

亦滅無明闇 拔除煩惱刺 能摧我慢山

佛善拔毒箭 能滅諸瘡疣 善修不逸行

身圓滿無減 減除諸煩惱 解脫一切縛

斷除諸結使 出離諸憒闇 空及無相法

是佛之所行 一切諸有中 其心無願樂

除斷渴愛根 棄捨無明闇 於諸四顛倒

悉皆能遠離 佛能知實際 世間無知者

凡夫聞生懼 如鹿怖獵師 隘身見衆生

於空不能知 無明所覆蔽 著世間繫縛

如實見真如 觀世猶空拳 爲世顯實智

由彼獲淨眼 顯示諸陰空 名色亦復然

界法體非有 諸入亦如是 此法及餘法

以名字而說此名字諸法佛說悉皆空
譬如大幻師化作種種像無衆生施設
無命亦無人如是諸陰界諸根十二入
皆從幻化生如來作是說譬如善畫師
畫作白象身肢節皆相似高下亦復然
實無高下相但惑愚者眼是法界平等
愚者自迷惑佛皆爲顯示如掌菴羅果
智者不迷惑善學諸佛教如來大智慧
爲世間智炬轉於妙法輪教化諸羣生
當願開覺我無上寂菩提轉於妙法輪
如佛今所轉我等於世間迷失道路者
當爲說妙法如今佛所說

來言

佛非無因緣而現微笑相大雄佛世尊
願爲說笑緣覩佛現微笑一切諸會衆
悉懷大疑惑人尊應當知誰今壞魔衆
誰今得除疑誰於法決定惟願人尊說
誰今得供佛誰奉佛教行此衆皆懷疑

願導師爲說 兩足尊說記 衆生若聞已
悉皆除疑網 惟願導師說 復令諸衆生
依於種智道 速逮得菩提 是故應說記
爾時世尊復以偈答馬勝言
喜哉汝馬勝 爲衆故請佛 其微笑因緣
諦聽爲汝說 爲愍諸世間 當一心專聽
諸天滿九萬 悉皆住我前 以清淨信心
已曾供養佛 復以偈讚歎 了知諸空法
於法得決定 安住我法中 此等諸天衆
曾供八億佛 復於當來世 無量億佛所
供養彼諸佛 求於無上道 於無量億佛
若不供養者 彼於菩提樹 終不坐取證
彼等當來世 得成於佛道 號名曰大持
於世間最上 彼諸世間燈 各有聲聞衆
八十衆會集 知見無障礙 彼等成佛已
彼土諸衆生 一切皆壽命 具足八億歲
彼佛無量智 無數億比丘 皆遠塵離垢
悉住最後身 彼佛滅度後 爲彼功德者
莊嚴彼佛刹 造作無量塔 彼無量千衆
及百那由他 供養彼塔廟 利益世間人

1 2 3 4 5 6 7 8 9 10 11 12 13 14 15 16 17 18 19 20

或發菩提心 或有證涅槃 彼佛滅度已
正法久住世 經於八億歲 無量那由他
彼諸法王子 受持護法故 四天王天衆
彼佛授記已 爲利益世間 成熟衆生故
大衆得聞已 心皆大欣喜 踊躍無有量
奉順如來教

三十三天授記品第十四

爾時復有八億忉利諸天其天帝釋最爲上首見阿修羅迦樓羅龍女龍王鳩槃茶乾闥婆夜叉緊那羅虛空行天乃至四天王天供養如來及聞授記皆大欣喜踊躍無量於佛法中深心信樂深信樂已爾時帝釋及忉利天起勇猛心供養如來卽便化作八億七寶重閣種種襍色端嚴殊特精妙希奇皆悉垂布赤珠纓珞瑠璃纓珞珠纓珞火珠寶纓珞一一重閣皆有百級莊嚴幢門一一級中皆悉復有四小重閣莊飾竈牖及師子座幢旛帳蓋寶鈴羅網有天童女端嚴第一侍重閣所及師子座擊諸天樂又復化作八億善調馬車天莊嚴具而嚴飾之所謂寶幢旛蓋及諸音樂於一切迦毗羅天城周徧縱廣六十旬散曼陀羅華摩訶曼陀羅華曼殊沙華摩訶曼殊

沙華迦迦羅婆華摩訶迦迦羅婆華波盧使迦華摩
訶波盧使迦華偏布其地至於人膝爾時帝釋又復
化作八億伊羅龍象一一龍象有八億頭一一象頭
各有六牙一一牙上有七華池一一池中有七蓮華
一一蓮華皆有千葉一一葉中有七天女一天女
有七侍女種種莊嚴於重閣間安置龍象寶車隨後
供養如來天重閣上雨天栴檀末天沉水末天真金
末雨天曼陀羅華摩訶曼陀羅華曼殊沙華摩訶曼
殊沙華波盧沙華摩訶波盧沙華迦迦羅婆華摩訶
迦迦羅婆華金華銀華毗琉璃華種種襍色波吒迦
華如是化作一切種種勝妙寶華而散佛上彼天童
女或作音樂或歌或舞或動其身如阿修羅中廣說
又復化作八億善調馬王種種莊嚴而乘其上復以
種種天諸供具而散佛上復有八億諸天音樂在虛
空中自然而作復於八億寶車之上一一各有一化
天女彼八億天女或歌或舞或作音樂或動其身如
修羅中廣說彼伊羅龍王頭中所化天女悉作音樂
如阿修羅供養中廣說爾時八億天女悉供養佛爾
時彼八億天作如是念是化天女供養如來一切諸
法亦復如是如佛所說彼知一切法如幻化已於諸

法中無有疑綱彼諸法中得無疑已繞佛三匝頂禮
佛足却住一面彼於諸法知如幻已亦知自身同於
幻化知彼供養及以如來亦同於幻佛所說法亦復
如是於諸幻法得無疑已卽以偈頌而讚佛言
此諸化人設供養 一切諸人亦復然
帝釋天等及諸法 一切悉皆如幻化
如來導師亦如幻 聲聞衆從法化生
於佛所說悉無疑 愚癡凡夫不能了
如來世尊所說法 能解如來所說記
如來所說諸法等 一切悉皆猶如幻
若諸學人及無學 佛弟子衆調伏者
此等亦復如幻化 我於此法得無疑
世尊若人樂寂默 獨一無惱如麒麟
此等一切悉同幻 我於此法亦無疑
若行佛行菩薩行 利益衆生不放逸
彼是菩薩如來子 一切悉皆如幻化
善逝導師自然智 十力大悲智無量
智慧自在世間最 彼佛如是亦如幻
如佛世尊所說法 清涼寂靜無所依
得涅槃法及涅槃 彼等亦復猶如幻

123456789201234567892101234567892201234567892301234567892401234567892501234567892601234567892701234567892801234567892901234567892

善逝如法無所有 一切猶如幻化性
於此佛法及智慧 我等於中悉無疑
我等常願得如佛 見一切法亦如幻
我等行此佛境界 願得成佛無有疑
爾時世尊知八億三十三天深心信樂已卽便微笑
爾時慧命馬勝卽以偈頌請問佛言
名稱無比具諸德 如來現笑非無因
如來今日爲何笑 惟願爲說除我疑
衆見如來現微笑 見已衆皆懷猶豫
惟願除彼衆疑惑 令衆勿懷諸疑惑
彼諸天衆皆欣喜 讀歎如來及供養
如來現笑今爲誰 慶供養者願爲說
諸德清淨猶如月 應供養者願爲說
如來所說彼若聞 此等欣喜得成佛
如此諸天大衆等 知一切法猶如幻
諸天修學無障礙 惟願十力說此事
一切大衆若除疑 以欣喜心修菩提
起增上欲不下劣 衆聞卽發勇猛心
爾時世尊以偈頌答馬勝言

馬勝汝今問如來 善合時機大利益

123456789 20 123456789

佛知天衆欣喜已

我現笑緣今當說

汝爲天衆問笑因

爲大利益諸衆生

我今爲汝說笑因

以清淨心善諦聽

如是諸天大衆等

知一切法猶如幻

無量無礙智見慧

當來離闇得作佛

過去流轉生死中

曾供諸佛如恒沙

於彼佛所數修習

一切諸法猶如幻

今復於我設勝供

亦如諸法同幻化

此於佛法深信樂

當來之世必成佛

於此佛法所作福

無有失壞及障礙

天衆於我供養已

復知諸法猶如幻

當來力近住劫中

得成最勝說中月

彼勝福者皆同號

名因隨羅幢王佛

彼佛宣說如幻法

度脫無量億衆生

是故汝等捨放逸

修一切法應如幻

是不逸者我所化

爲滿菩提分法故

精進猶如救頭然

速求寂滅勝菩提

夜摩天授記品第十五

爾時復有四億夜摩天衆見阿修羅迦樓羅龍女龍王鳩槃茶乾闥婆夜叉緊那羅虛空行天四天王天

切利天等供養如來并聞授記皆大欣喜踊躍無量爾時夜摩天衆知佛如來以無礙智授彼記已卽於佛法起信樂心起信樂已卽作是念如是佛法甚奇微妙若證佛法者無有不知無有不見無不簡擇無有不證於已生未生現生或已滅當滅現滅若業及報皆如實知甚奇如來能知世諦及第一義善知此二更無有餘彼佛世尊於其空法善能知見善知簡擇善證相應故名薩婆若何謂世諦一切世俗生死所行於此諸法悉能曉知第一義者無有言說無有知者非心所行以無知故無能說者無顯示者無開說者無有聞者以無說故亦無知者無生無示無有見者無有施設無有取著無有覺知無有能到亦無所到無能親近無能測量無有建立無有棄捨無有所作亦無能作無譽無毀無利無衰無稱無護無苦無樂非色非非色非數非非數非明非非明非有煩惱非離煩惱非世間非涅槃非覺非觀非進非退無動無作無有戲論過諸戲論所說色相不可得受想行識亦不可得眼相不可得耳鼻舌身意諸相亦復如是色相不可得聲香味觸法相不可得眼識相不可得耳鼻舌身意識相亦不可得眼觸相不可得耳

1 2 3 4 5 6 7 8 9 10 11 12 13 14 15 16 17 18 19 20

鼻舌身及意觸相亦復如是眼觸生受亦不可得耳
鼻舌身意觸生受亦復如是色思覺相亦不可得乃
至法思覺相亦復如是空相不可得地界水界火界
風界識界亦不可得欲界相不可得無爲相不可得如
無色界相不可得有爲相不可得無爲相不可得如
是等若彼彼法言說無能說者如是如是法名不可
說法也佛法最勝無間愚癡凡夫衆生不能知故聞
已驚怖彼於佛法心生怖畏於一切智智便卽退失
諸天世人應當憐愍如此衆生常處生死恒爲苦切
爾時夜摩天觀諸世間煩惱衆生已爲得佛法故爲
供養如來故起勇猛心所設供具過忉利天而供養
佛供養佛已頂禮佛足右繞三匝却往一面爾時夜
摩天卽以偈頌而歎佛言

佛見諸陰皆空寂 於其界入亦復然
諸根聚積皆離相 如來如實悉了知
世間智者於實法 不從他聞自然解
所謂世諦及真諦 離此更無第三法
如來悲愍於一切 爲利世間說俗諦
如來宣說於世間 爲諸衆生顯六趣
地獄畜生及餓鬼 人天之道及修羅

123456789 20 123456789 21 123456789 22

下劣之家及勝家 所有貧家及富家
奴僕之屬及婢使 男女等類及二根
所有世間諸六道 佛無比身悉已說
觀於世諦諸法已 佛爲利世故宣說
衆生樂著於生死 不能離於世八法
所謂利衰及毀譽 所有稱譏及苦樂
得利便卽生欣喜 失利心卽生瞋惱
餘如所說應當知 於無我中說爲我
於俗諦中說真者 世間皆隨此八法
不淨樂中說樂淨 於無我中說爲我
無常法中說爲常 住此相中而取著
聞於如來所說教 恐怖誹謗不信受
誹謗如來實教已 墜墮極苦地獄中
凡愚貪求世樂故 轉受無邊百種苦
若有於其佛法中 如是觀察不顛倒
棄捨諸有入涅槃 猶如蛇脫其故皮
一切諸法體性無 空無有相第一義
若聞此法生愛樂 必得無上勝菩提
如來如實說此法 除斷天衆諸疑惑
悉發無上菩提心 爲度一切衆生故

123456789

20

20

20

總

如此天衆發心已

皆悉欣喜心清淨

得聞最勝佛法已

此諸天衆皆成佛

爾時世尊知彼四億夜摩天衆深心信樂即使微笑
爾時馬勝卽以偈頌問如來曰

佛爲世間故現笑

一切時衆皆生疑

惟願世尊說笑因

令此衆會皆欣喜

聞於諸天授記已

一切皆悉大踊躍

有智慧者發勇猛

於佛法中如說行

此佛如來諸勝衆

具足有佛功德器

善哉宣說美妙言

爲攝如是大衆故

聞佛功德心喜樂

此諸大衆必當得

聞於如來授記已

如法當勤修精進

善哉人尊說中勝

於疑惑衆二心者

惟願世尊速爲說

時衆一心樂欲聞

彼夜摩天受勝記

願人師子速爲說

此諸大衆皆欣喜

一切悉發菩提心

爾時世尊卽以偈頌答馬勝曰

爲利世間故現笑

馬勝合時善諮詢

利益無量諸大衆

聞佛如來功德故

樂著貪瞋諸衆生

於佛功德無樂慧

其心愚癡所惑亂 當沒生死大海中
 若於佛法深信樂 曾於先佛已請問
 與大悲心相應者 是人能得佛功德
 若人見彼衰惱逼 勝人於彼起悲心
 彼諸衆生聞佛德 頂受佛教如華鬘
 我諸衆會大清淨 於先佛所曾修福
 彼於如來功德所 頂受猶如婆師鬘
 夜摩天衆先佛所 曾修持戒除貪著
 厥離煩惱心清淨 於穢衆生起悲心
 於無量佛曾親近 其數猶如恒河沙

彼曾修習無量善 爲求無上菩提故
 知衆生沒煩惱已 於苦衆生起悲心
 於人師子利世者 問諸法門無有量
 我今導師爲彼說 聞者悉得成佛道

知彼衆生煩惱鉤 爲說最上勝妙法
 彼勝丈夫大導師 悉皆了知諸法空
 彼聞諸佛所說已 悉皆了知諸法空
 所謂空無諸法相 說無自性無相法
 如是了知諸佛法 悉皆安住佛功德
 此等勝妙供養我 如法各自受記荊

當於來世星宿劫悉皆得成無上道
如是如來無增減其數滿足四十億
其佛同號淨智尊開悟無量諸衆生
大仙降伏諸怨者答於馬勝所諮問
滿夜摩天所願求大衆天人皆欣喜
大寶積經卷第六十六

校譌

第十九紙

十二行十
南藏作千

金壇居士

王子城施賈刻此

豫章沙彌德定對

大寶積經第六十六卷

儀真趙之昇書漂水端繼慧刻

萬曆乙未孟秋徑山與聖萬壽禪寺識

高齊北天竺三藏那連提耶舍譯
菩薩見實會第十六之七

兜率陁天得授記品第十六

爾時八億兜率陁天見諸阿修羅迦樓羅乃至夜摩
天等供養如來聞受記已欣喜踊躍作如是念於何
等法世尊與授阿耨多羅三藐三菩提記爲色授記
受想行識得授阿耨多羅三藐三菩提記耶彼等諸
天復作是念非與色授記亦復非與受想行識阿耨
多羅三藐三菩提記何以故色既不生菩提亦不生

云何無生色能悟無生菩提如是乃至識亦不生云
何無生識能悟無生菩提色既不滅菩提亦不滅云
何不滅色能悟不滅菩提如是乃至識亦不滅云何
不滅識能悟不滅菩提色無分別菩提亦無分別云
何無分別色能悟無分別菩提如是乃至識亦無分
別云何無分別識能悟無分別菩提色既無二菩提
亦無二云何無二色能悟無二菩提如是乃至識亦
無二云何無二識能悟無二菩提色既無作菩提亦
無作云何無作色能覺無作菩提如是乃至識亦無
作云何無作識能覺無作菩提色既不可得菩提亦
不可得云何不可得色能覺不可得菩提如是乃至
識陰不可得菩提亦不可得云何不可得識能覺不
可得菩提如是於彼不可得諸法中何者是佛何者
是菩提何者是菩薩何者是授記色陰空受想行識
亦復皆空何以故性自空故如是佛空菩提空菩薩
空授記空何以故自體空故如是性空一切法中所
言佛者但名但用是世諦但是言說但是施設所言
色陰受想行識亦但名用世諦言說及以施設智者
於此不應取著譬如有人於其夢中受五欲樂彼人
寤已不見彼樂憶念不得五欲樂故便生苦惱如是

住於菩薩乘者若有取著不會菩提不證菩提故不得其味以不得味故心生苦惱何以故如是諸法如夢不實彼法義別愚癡凡夫取解各異一切諸法當如是知何法是佛何法是菩薩何法是菩提彼諸佛法皆不可得凡夫不可得凡夫法亦不可得聲聞不可得聲聞法亦不可得辟支佛不可得辟支佛法亦不可得菩薩不可得菩薩法亦不可得佛不可得佛法亦不可得菩提不可得涅槃亦不可得我等於此諸法之中解了無疑爾時兜率陁天於斯法中既無疑慮於世尊所樂修供養所作供養勝夜摩天頂禮佛足右繞三匝却住一面卽以偈頌讚世尊曰

所有住佛功德者　如來爲其說行法

彼得三種解脫門　無等境界中修行

無色亦無受想行　無其受者亦無心

斯則無礙智境界　樂離欲陰人師子

彼諸智慧妙丈夫　不取發於菩提想

離陰已獲勝善根　於佛功德無疑慮

志願無上大菩提　然於菩提離取著

是故內心無憂喜　名爲佛子修聖行

同佛見法悉平等　是故於法無所畏

智者於此世間處 求佛功德起修行
簡擇色相無所著 壟捨一切有相心
於彼三有不起願 觀察諸有悉皆空
能知五陰各不生 如來授記及菩提
菩提心等亦無生 作是說者非愚惑
如來功德及生死 此諸佛法悉無生
如是知者人中勝 是爲真實如來子
若能知是陰不滅 界入及以如來法
佛與菩提及授記 斯等諸法皆不滅
若爲菩提修行者 當知彼亦是不滅
知諸世間不滅故 彼求菩提不爲難
五陰界入與菩提 佛及菩薩皆無作
如是了知爲佛子 彼人能持佛正法
五陰界入性空寂 菩提與佛并菩薩
陰界諸入皆無覺 及以授記悉無覺
如來真子修行者 斯等亦皆自性空
陰界諸入悉虛妄 佛與菩提及授記
行者授記亦虛妄 如是了知爲佛子
非是依止非不依 亦非有法非無法

非是有爲非無爲 如是了知爲佛子
世尊如是見世間 我等如是知佛心
卽爲勝妙供養佛 及以一切賢聖衆
我等讚佛所得福 唯佛世尊能了知
以斯功德施羣生 願皆成佛具衆相
爾時世尊聞彼兜率諸天讚已及知深信卽爲天衆
而現微笑爾時慧命馬勝以偈問曰

得大勢力無上士 以其因力現笑光
願佛說是微笑因 令衆得聞皆欣喜
以見如來微笑故 此諸大衆悉懷疑
衆會慇懃普瞻仰 咎皆一心欲聽聞
猶如世間有病人 唯思醫師及良藥
如是大衆於佛所 願樂欲聞說授記
斯等皆有深智慧 志求菩提無所著
一切恭敬悉瞻仰 唯希如來爲記荆
世尊於此起大悲 以佛智力斷疑網
是故大衆得欣喜 咎皆願求佛功德
世尊今正授記時 惟願除滅諸疑惑
如來久已離怨敵 願斷衆邪外道論
爾時世尊卽以偈答慧命馬勝言

汝今啓請如來義 問其微笑正是時
爲利世間故致問 必當饒益諸衆生
知諸天衆心樂欲 故我現是微笑光
以知佛法勝妙故 於我便作上供養
彼皆如實見世間 隨順聖教得證法
已到三種解脫門 非諸世間所能知
過去已供無量佛 亦曾問是深義趣
於彼佛所久修空 今故於斯顯空義
是故今者於此處 便得值遇佛世尊
以空讚歎無上士 利益一切諸世間

如斯世間悉無生 諸佛菩提及授記
所有修行菩提者 其一彼等一切亦無生
衆生悉同有此法 如是知已得菩提
過去曾學菩提心 二、彼於此義能解了

如是世間亦不滅 斯諸天衆善通達
明智照了悉無疑 是故彼天皆作佛
決定必得無依處 於法不取離分別
一切世間皆無作 彼於斯義能了知
一切法體離自性 天衆心淨無疑惑
菩提及與菩提心 一切皆空無自性

123456789201234567892101234567892201234567892301234567892401234567892501234567892601234567892701234567892801234567892901234567892

兜率諸天堅固慧 皆悉安住無所依
故得菩提不爲難 必當速成無上智
於其未來星宿劫 當得度脫無邊衆
彼天一切皆成佛 同號名曰擇法王
如來於此諸天衆 知其心樂爲記說
一切天人聞說已 咸皆踊躍稱心意

化樂天授記品第十七

爾時化樂天王爲首與其眷屬七億化樂諸天衆等見諸阿修羅迦樓羅乃至見諸兜率天等供養如來聞授記已欣喜踊躍咸皆稱心得住實際於真如中無有疑惑從座而起偏袒右肩右膝著地頭面作禮向佛合掌異口同音而白佛言世尊如我解佛所說義一切諸法是真實際無邊際無礙際無住際無盡際不二際非際實際世尊所言實際者不顛倒故無邊際者無限量故無礙際者離對治故無住際者離自性故無盡際者無有生故不二際者謂一味故言非際者是非有故世尊彼實際者徧一切處無有一法而非實際世尊謂菩提者亦是實際世尊何者是菩提一切法是菩提離自性故乃至五無間業亦是菩提何以故菩提無自性五無間業亦無自性是故

123456789 123456789 123456789

無間業亦是菩提世尊言菩提者如無餘涅槃性亦如無間業性何以故一切法即是無餘涅槃性亦是無間業性是故無餘涅槃界即是菩提世尊若有衆生住生死者可求涅槃於實際中無住生死求涅槃者何以故實際無二故世尊我等於此解了無疑若於此法無疑慮者當知是人已曾過去於諸佛所得受阿耨多羅三藐三菩提記爾時世尊聞化樂天王及諸七億化樂天等說授記已欲令大衆心喜悅故而現微笑爾時慧命馬勝以偈問曰

憐愍世者現微笑

而不說其笑因緣

天人導師非無因

現此奇特微笑相

既見世尊笑光已

令諸大衆悉懷疑

惟願說其微笑因

斷除一切諸疑網

斯等若蒙如來說

聞已咸生希有心

爲彼衆會淨真路

趣向菩提作因緣

若有衆生疑慮者

是人難得妙菩提

惟願大智斷疑惑

精勤速證無上道

世尊此諸大衆等

志求菩提離諸惡

得聞諸天授記已

決定當成大法王

是故世尊願憐愍

除斷一切疑惑心

12345678920123456789210123456789

授此諸天菩提記 令諸大衆皆欣喜

爾時世尊以偈答慧命馬勝曰

哀愍世間故現笑

馬勝汝今問我義

我悉與彼天授記

汝等咸各淨心聽

此諸化樂天衆等

自能授記得菩提

衆中旣作師子吼

能壞外道諸邪見

譬如空中雨衆石

必墮大地無有疑

如是佛子離疑惑

自知定當成佛道

猶如日沒至夜時

當知月出必不久

如是佛子備衆行

定知必當具十力

又如日在正中時

觀諸色像皆明了

如是佛子具衆行

自知必得薩婆若

喻若日光至沒時

衆人咸知日不現

如是佛子皆自知

決定當得最勝智

譬如衆流趣其下

智者當知歸大海

如是佛子具明慧

定知必得上菩提

如人以石擲虛空

決定墮地無疑慮

如是佛子悉自知

不久當得世間解

智者法爾有此見

以知法故不致疑

自知分有佛功德

必定近於自然智

假使諸魔那由衆 現佛言汝不作佛
不能沮壞其心意 已自善解真法故
決定於彼佛功德 成各自說得授記
於斯諸天授記事 如來悉生隨喜心
此天所修菩薩行 悉自了知不由他
彼等自說成善逝 世尊於此皆隨喜
是故馬勝若有人 欲得無上菩提者
可於此法應勤求 必獲最勝安隱處
自成正覺悟斯理 隨義如實能了知
親近供養善知識 彼證菩提不爲難
若有千劫修苦行 皮膏血肉無戀惜
若能解了斯義趣 此福廣大勝於彼
過去所有一切佛 未來憐愍衆生者
及以現在諸世尊 悉依此法成佛道
化天於我供養已 咸皆善知第一義
會供過去諸如來 悟斯義理當成佛
諸佛所有勝三昧 及以現在所住定
彼天深得佛境界 由本先世久修習
馬勝化樂天子等 於彼三昧無有疑
清淨佛法旣善學 今於佛道現修行

1 2 3 4 5 6 7 8 9 10 11 12 13 14 15 16 17 18 19 20

是故於理生信解

當正勤求離苦邊

常應親近多聞者

必得無上大菩提

聞佛所說妙法已

化樂諸天衆會等

皆悉欣喜除疑網

流注趣向大涅槃

他化自在天授記品第十八

爾時他化自在天王爲首與其眷屬八十那由他諸天衆等見諸阿修羅迦樓羅龍女龍王鳩槃茶乾闥婆夜叉緊那羅訶羅伽闍天四天王忉利天夜摩天兜率臨天化樂天等供養如來聞授記已欣喜踊悅皆得稱心異口同聲而白佛言世尊化樂諸天所說實際者我等尚不見實況復見際何以故世尊若見實者可言見際何以故是人行於二處住如是乘者若善男子善女人應爲彼說此二種法此二法者非真境界世尊若善男子善女人於不二法不信不入雖復如是此人發心望得菩提當知是人行於非徑何以故此於菩提非道行故世尊若有衆生求菩提者是人不見一法可覺何以故無有少法可得覺悟阿耨多羅三藐三菩提故世尊彼法非過去非未來非現在非有爲非無爲非有非無非可識非可知非可捨非可修非可證謂菩提者彼法非與餘法作對

1 2 3 4 5 6 7 8 9 10 1 2 3 4 5 6 7 8 9 10

治餘法亦不與彼法作對治何以故彼法非裸煩惱
非離煩惱法體不可得性自離故此法不與彼法作
對治彼法亦不與此法作對治何以故一切諸法離
諸相故是故彼法非可知非可識非可捨非可修非
可證世尊色生者離生相故彼亦非可知乃至非可
證受想行識亦復如是世尊色滅者離色相故彼亦
非可知乃至非可證受想行識亦復如是世尊過去
者離過去相故彼亦非可知乃至非可證未來者離
未來相故彼亦非可知乃至非可證現在者離現在
相故彼亦非可知乃至非可證世尊有爲者離有爲
相故彼亦非可知乃至非可證無爲者離無爲相故
彼亦非可知非可識非可捨非可修非可證世尊如
是等乃至爲陰所攝或過去所攝現在所攝未來所
攝或有爲所攝無爲所攝此等諸法皆不可得以不
得故是故彼法非可知非可識非可捨非可修非可
證世尊若有如是爲求菩提發心修行善男子善女
人彼皆名爲住菩薩乘爾時他化自在諸天咸各說
已所知法已以偈讚曰

世尊善說盡有邊

永不暫受六趣身
世間無智畏生死

發心欲度生死岸

彼諸陰體不可得 以陰性相本自空
一切法空皆無相 是故諸法離對治
自體卽空無有物 無有可知及修捨
亦復非是可證法 如來說有卽非有
相求菩提不可得 助道諸法亦如是
取心求佛不可得 菩薩相求亦不得
堅著諸相愚癡輩 彼等望得悟菩提
顛倒境界取相行 無智非行菩提道
入佛境界離衆相 名爲智者如法行
遠離諸相及無相 亦離於空及不空
彼能悟解無上道 於諸外道非境界
亦非聲聞所能知 又非緣覺之所趣
心得解脫淨無垢 羅漢於法相應者
及諸一切辟支佛 非彼智慧之境界
彼句非爲相心知 及修少空亦不解
若有解空說空者 亦說諸法無自性
彼受佛教無毀訾 是名善修空寂靜
能悟難悟菩提道 世尊於彼直尊師
讚佛二足最尊已 所獲無量諸功德
廻施一切諸羣生 成佛覺悟未覺者

20

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

爾時世尊知彼八十那由他化自在天及以天王等得深信已欲令大眾增益善根故現微笑爾時慧命馬勝以偈問曰

二足世尊現微笑

以知他化深信故

未曾演說笑因緣

惟願如來爲解釋

大聖今者非無因

現是希有微笑相

願佛開顯因緣義

滅除大眾諸疑惑

由見世尊微笑故

今此衆會悉懷疑

憐愍一切世間者

惟願敷演分別說

此衆咸皆背生死

合掌恭敬求涅槃

斯等靡不懷猶豫

無礙說者願斷除

悉皆正信善逝法

心得開解離取著

勇猛精進於佛法

遠離疑網登聖路

一切諸佛遊此道

是故願除大眾疑

爾時世尊以偈答慧命馬勝曰

汝爲憐愍大衆故

以偈問我正是時

具足辯才有巧便

乃能問此微笑義

以問如來現笑故

必當利益無量衆

是故一切衆會等

皆得住於勝菩提

知彼他化淡信已 故我現是微笑光
一切隨順如來教 爲求菩提修妙行
觀察世法離諸相 如見陽焰非真實
愚者見焰謂是水 欲求菩提勿同彼
取相貪樂凡夫境 無智常怖於無相
愚癡執相捨正路 離相能獲妙菩提
妄想思量虛偽法 隨所分別卽被縛
智者觀相悉皆空 得上寂滅阨羅尼
執相凡愚住惡心 彼皆無智歸六趣
輪迴逼迫受衆苦 都由愚癡住相故
著相衆生見諸陰 佛與菩提及菩薩
智者離相見空已 能得無上大菩提
住相之類增煩惱 能觀無相得除結
所謂結者卽是相 觀結無相卽斷除
若有分別求道者 分別於道爲障礙
智者雖復行於欲 彼欲卽爲無相行
諸法無體不可得 分別諸法說言空
若離分別得無相 彼卽菩提更無餘
聞於善逝說是語 大衆除疑得無畏
頂受牟尼所說法 如智頑戴蘋葛華

1 2 3 4 5 6 7 8 9 10 1 2 3 4 5 6 7 8 9 10

斯諸天衆獲無畏 於我設供最無上

亦知諸法佛境界

當作世間大導師

諸梵天等授記品第十九

爾時六千萬諸梵衆天見諸阿修羅迦樓羅乃至他化自在天等供養如來聞授記已欣喜踊躍皆得稱心彼於世諦禪以喜悅爲食亦於佛法中得智慧明宿殖善根故已曾親承供養諸佛故及深信清淨故於甚深法獲得法忍彼諸天等知諸法無作非無作非不作非無作非無想非無願非無願彼諸非無非物非非物非可得非不可得非去非來非趣不知非見非不見非受非不受非惻非不惻非無非非不趣非空非不空非相非不相非願非不願彼諸梵天於一切法心無所著亦無所住於非用中不作非用想於非不用中亦不作非不用想於語言中無語言想於非語言中亦無非語言想於有作中無有作想於無作中亦無無作想於凡夫不作凡夫想於非凡夫亦不作非凡夫想於凡夫法不作凡夫法想於非凡夫法亦不作非凡夫法想於聲聞不作聲聞想於非聲聞亦不作非聲聞想於聲聞法不作聲聞

1 2 3 4 5 6 7 8 9 20 1 2 3 4 5 6 7 8 9 20

法想於非聲聞法亦不作非聲聞法想於緣覺不作
緣覺想於非緣覺亦不作非緣覺想於緣覺法不作
緣覺法想於非緣覺法亦不作非緣覺法想於菩薩
不作菩薩想於非菩薩亦不作非菩薩想於菩薩法
不作菩薩法想於非菩薩法亦不作非菩薩法想於
佛不作佛想於非佛亦不作非佛想於佛法不作佛
法想於非佛法亦不作非佛法想於涅槃不作涅槃
想於非涅槃亦不作非涅槃想於生死不作生死想
於非生死亦不作非生死想如是彼天一切皆悉離
諸分別定心清淨彼等既得清淨心故以寂滅法說

偈讚佛

大聖甚深寂滅智 修行寂滅到彼岸
演說寂滅度眾生 亦自常行寂滅法
菩提寂滅善清淨 斯法牟尼之境界
速得寂滅勝甘露 以是今得盡諸有
恒說寂滅微妙道 是彼智者所行處
八正之路滅惱濁 拔濟一切諸羣生
善修寂滅證菩提 乃是先佛之所行
修彼能到安隱城 過去諸佛所證知
是諸如來修學法 導師如是化世間

若人能行有學法 獲得無學勝菩提
一心趣向寂滅道 諸根寂靜久修習
當得爲佛世間解 邅羅延力度羣生
若知寂滅甘露者 能盡一切諸有相
是爲真實如來子 寂滅能除世間畏
彼等所設供養佛 勝上希有最殊特
所說寂滅盡煩惱 於諸無相最第一
世間寂滅離諸相 所謂寂滅卽涅槃
衆生輪轉受諸苦 遠離寂滅取相故
牟尼諸法不思議 卽是菩提一切智
已度淤泥到彼岸 故佛於此無疑慮
若有離陰得解脫 於佛大乘不願樂
欲求菩提思滅度 於其五陰生怖畏
離欲淨心求涅槃 彼等如是簡擇智
於法取相凡夫境 是謂如來之所說
若取寂滅卽是縛 以是不得一切智
若有於其五陰相 俗言不生存執取著心
彼能利益釋迦法 大千是名喜樂無相行
能獲無名安隱處 誓得菩提佛境界
降魔諍論滅煩惱 速得成就一切智

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40

我等讚歎無上士 所獲寂滅諸功德
唯佛大智能了智廻施衆生願成佛
爾時娑婆世界主大梵天王知諸梵天讚歎佛已對
佛正立以實功德而讚頌言

法王已知一切法 不實虛誑如空拳
亦如秋雲及電光 是故大聖離取心
猶如夢中飢餓人 餐食百味甘美膳
夢人飢食皆不實 如來見法亦如是
又如夢中焦渴人 得飲清淨涼冷水
夢渴飲水皆虛妄 佛見諸法亦如是
無作無受無衆生 無其作業及得報
亦無得受果報者 世尊於此無疑慮
譬如美言得人愛 然彼語言無可取
亦無言說及聽者 大聖了知皆不實
如聞箜篌美妙音 其聲亦無真實性
世尊如是見諸陰 知陰無體不可得
猶如摩尼性自淨 繫之衣上隨色變
諸法自體本清淨 虛妄分別增倒染
譬如無垢鮮白衣 隨受染色種種變
諸法如是性自淨 隨所分別而染汙

1 2 3 4 5 6 7 8 9 10 1 2 3 4 5 6 7 8 9 10

猶如有人聞貝聲 尋其貝聲從何來
其聲非自非他性 大仙見法亦如是
如人思美餚饍食 其食衆緣所合成
觀食各各無自性 如來見法皆如是
譬如衆緣號爲城 推其城體無自性
如是衆緣皆悉空 法王見法亦如斯
喻若有人擊鼓聲 雖能令人心欣喜
聲及衆緣皆悉空 大聖見法亦如是
譬如有人打鼓時 其聲不從十方來
聲滅亦不向諸方 世尊見法皆如是
如是彼人擊鼓已 其鼓不生憎愛心
亦不分別衆緣性 佛見諸法皆若斯
又如彼人打妙鼓 聲不作心生他喜
及以衆緣皆亦然 導師見法皆如是
如人擊彼妙鼓時 鼓亦不生苦樂想
亦不觀察衆緣性 如來見法皆如是
猶如有人擊妙鼓 聲不卽緣亦不離
及彼伎緣亦復然 牟尼見法皆如是
爾時世尊知諸梵天大梵王等深心敬信及以寂滅
讚頌佛已又見大衆欲生善根卽便微笑爾時慧命

馬勝以偈問曰
既見如來口中出離垢清淨微笑光
世間天人大衆等一切咸生希有心
以見世尊微笑故諸來大衆普懷疑
皆悉瞻仰如來面慇懃願樂欲聽聞
願佛開示笑因緣蕩除大衆疑惑心
最勝牟尼非無因而現希有微笑相
諸佛所現微笑光必爲利益諸世間
今者爲誰現此笑惟願敷演分別說
大衆得聞必欣喜一由知微笑因緣故
斯諸大衆皆合掌一心瞻仰樂欲聞
是故願佛爲解釋必當斷滅諸疑惑
導師爲彼諸來衆願垂演說微笑因
衆會若聞必喜悅以得洗除疑網故
衆心堅固皆清淨專念希仰如來德
大衆瞻仰世尊顏猶如覩見初生月
具八妙聲如梵天一心渴仰願速聞
天人衆等聞佛說必得除疑住正法
梵音演說義相應得聞甚深出世法
佛智善巧能悅豫故令大衆增踊躍

此衆心淨離疑結

能樂如來一切智

精進勇猛有力人

乃能志求無上道

是故導師愍世間

惟願解說令衆喜

善哉世尊平等心

憐愍一切諸衆生

令諸大衆增善根

安心不動求佛智

爾時世尊卽以偈答慧命馬勝曰

憐愍一切諸世間

故我現是微笑光

汝當諦聽說彼因

其義甚深微妙句

此諸衆會若得聞

發勤精進修善業

當得利益諸衆生

於佛妙法起勝行

斯諸梵衆皆欣喜

如來法中悉無疑

那由他劫久修行

猶如恒河沙劫數

於諸境界悉不著

心如虛空無障礙

雖樂常修菩薩行

而不速取菩提證

此等復於未來世

無量億劫恒沙數

天衆清淨無垢穢

得大勢力住世間

然後當成一切智

爲大法王有威力

具足功德盡諸有

觀諸世間悉空寂

彼佛如本久修行

壽命限量亦如是

斯諸善逝住世時

能於苦惱度衆生

彼佛國土無倫匹 世界嚴淨甚滋茂
 無量那由劫數中 如來演說不可盡
 彼佛刹土嚴淨事 無量佛說亦不盡
 彼佛同號大智力 國土皆悉名最勝
 爲衆演說不動法 不可思議無所依
 彼佛世界衆生等 成皆修治諸善根
 無一衆生受後有 生死之中重生者
 彼等當時有一苦 於其世間便顯現
 惟畏諸行皆無常 令諸衆生起厭離
 爾時彼國衆生輩 離老病死諸苦相
 一切依於一教法 同厭無常修勝行
 彼諸衆生當爾時 耳更不聞餘音聲
 唯聞不淨無常苦 無我寂滅空無相
 甘露涅槃及菩提 安隱清涼無上樂
 斯等如是勝妙音 恒常數數而得聞
 爾時更無餘聲響 若樹若壁及露地
 或復空中及寺廟 但聞如是微妙句
 聞已一切皆得道 便於生死得解脫
 皆是如來神力故 具八功德妙音聲
 爾時無有譙毒心 所謂離欲及瞋恚

123456789201234567892101234567892201234567892301234567892401234567892501234567892601234567892701234567892801234567892901234567892

亦無愚癡出惡聲 麟言逼惱來經耳

一切獸背於生死

趣向涅槃大正路

彼土一切悉當空

佛及衆生皆滅度

斯是彼佛大神力

發弘志願不思議

曾於過去那由劫

爲求菩提修道行

彼國所有諸衆生

一切悉皆當作佛

此諸梵天發廣願

皆由觀察寂滅句

悉得證知甚深義

解了如來吉祥路

其所修學皆通達

於諸世間爲導師

彼能觀察衆生空

不生疲倦懈怠心

是故乃入諸法性

修集菩薩勝妙行

大寶積經卷第六十七

藏那連提耶舍譯

校訛

第十五紙

七行言空南
載作空言

音釋

至沮壞 沮呂切過也止也

瞻葡萄語也王云瞻博

剏筭篋 筈苦紅切筭戶鉤

餚餚館胡交切道臨也

金壇居士王岳陞施賁刻此

大寶積經第六十七卷 諸章沙彌德定對

儀真趙之耳書

上元李再禎刻

萬曆乙未孟秋徑山興聖萬壽禪寺識

印

1 2 3 4 5 6 7 8 9 201 1 2 3 4 5 6 7 8 9 201

22

且累處古數根題文字也 韻舊威提去黃華舊韻也 五云韻射禁語也

音釋

皆由觀察寂滅勾

外指

解了如來吉祥路

大寶

於詣世間無導師

最姑八入萬劫

外事苦難彼

大寶積經卷第六十八

高齊北天竺三藏那連提耶舍譯

菩薩見實會第十六之八

光音天等得受記品第二十

爾時五十八千萬光音諸天見諸阿脩羅迦樓羅乃至梵天等供養如來聞授記已欣喜踊躍皆得稱心偏袒右肩右膝著地向佛合掌恭敬作禮白佛言世尊有三昧名照耀一切法若菩薩摩訶薩學是三昧一切法中悉得光明得入菩薩法門菩薩摩訶薩了解已得無邊辯無礙辯相續辯種種辯美妙辯真

善辯相應辯解脫辯微細辯不共辯甚深辯乃至得
 於如來之辯世尊何者名爲照耀一切法三昧菩薩
 入此諸法門故念諸覺觀知一切法無覺離覺是無
 覺法徧一切處無有一法能覺察者何以故性自離
 故若法無性云何能覺知一切法無其覺已入阿字
 門得上辯才彼菩薩入阿字門已得無邊辯阿字無
 邊阿字非普徧阿字無作阿字非有爲阿字非成就
 阿字非事阿字無所依阿字無動轉阿字非略阿字
 非廣阿字非分別阿字非衆事成阿字不可穿阿字
 非色阿字不可示阿字不可觀阿字無有能見者阿
 字非可思阿字不定住阿字非可知阿字非能知阿
 字非可測阿字不能自示現阿字亦不能示他阿字
 非思議阿字不去阿字不來阿字非近阿字非遠阿
 字非言說阿字亦非可說法阿字非名阿字非用阿
 字非現前阿字非覆障阿字非移轉阿字非可改阿
 字非差別阿字無二阿字非生阿字非處妄阿字非
 真實阿字不可說阿字非生滅阿字非清淨阿字亦
 非可淨法阿字非執持阿字非攝他阿字非棄捨阿
 字不爲他法作阿字亦不作他法阿字不生阿字不
 滅阿字不能生他法亦復不能滅諸法阿字非生非

1 2 3 4 5 6 7 8 9 10 1 2 3 4 5 6 7 8 9 10

不生阿字不與生法作生因亦復不作不生緣阿字
 非依非不依阿字非假非不假阿字非却非不却阿
 字非許非不許阿字非可得亦非不可得阿字非空
 非不空阿字非分別非不分別阿字非相非不相阿
 上非願非不願世尊一切諸法皆如是相所謂無相
 一切諸法皆同一實所謂無實皆同一趣所謂無趣
 皆同一入所謂無入皆同一假所謂無假皆同一用
 所謂無用一切諸法皆同一說所謂無說世尊諸法
 無起不可得故諸法非有以無有故諸法無生以不
 生故諸法無滅以不滅故無爲法者無有作故世尊
 一切諸法皆同一如當如是知世尊是諸不生法彼
 法事用云何得知世尊譬如有人夢中所作當知諸
 法亦復如是何以故夢所作事不生不起亦非有故
 夢雖不實非無假名說有夢作一切諸法皆亦如是
 世尊譬如響聲唯有假名諸法但假亦復如是世尊
 論若幻人但是假名當知諸法亦復如是世尊譬如
 陽焰但假名字諸法假名亦復如是世尊如鏡中像
 但有名用當知諸法亦復如是世尊爲悅豫凡愚說
 有夢事夢中所作皆非真實響幻焰影亦復如是但
 有假名皆無實作世尊我等如是解知如來所說法

義爾時光音諸天以偈讚佛

世尊善知此法義 及餘種種無邊法

如來所有諸佛子 得父資財常遊戲

世間少智莫能入 由常計著我心故

十方求我不可得 我體本來性自空

如空陽焰非實水 愚癡見彼作水想

都由無智生迷惑 虛妄顛倒計我人

彼癡愚惑如來教 是故不解湊義趣

凡夫心識如焰水 不能了知諸陰義

心樂生死著苦箭 諸根駛流所漂溺

斯等畢竟無自性 爲癡覆蔽妄受苦

彼皆失智心迷亂 於諸苦中生樂想

心常顛倒順三毒 是諸煩惱甚可怖

貪欲瞋恚及愚癡 斯諸結使常隨逐

淡樂受故生渴愛 愚癡不識故受苦

無智隨順諸煩惱 如人癡負怨家行

聞佛所說空教門 於空反畏失解脫

譬如性人執持刀 應得安隱反生畏

大智世尊所說法 謂是微妙阿字門

能生真實勝智慧 猶如平地生大樹

1 2 3 4 5 6 7 8 9 20 1 2 3 4 5 6 7 8 9 21

降諸魔怨那由衆 能悟安隱妙菩提
以彼八正大船筏 於諸有海度羣生
世尊所有諸佛子 了知如來勝教法
速滅煩惱諸怨敵 疾證無上大菩提
旣自解脫離毒心 見餘毒者施智藥
得到究竟彼岸果 獲大安樂無爲處
一切諸法皆悉空 諸餘外論妄分別
明人棄惡就正路 皆由本來久修學
心無所著卽解脫 諸法體性自如是
彼能如是了知者 成佛大力那羅延
無有繫縛及縛者 諸法性空皆亦無
真如寂滅及非如 非是垢穢亦非淨
煩惱無相亦無斷 以其本來性自空
如是能知真實法 彼人當得一切智
自證解脫復度他 此等不生亦不滅
世間天人皆迷惑 如春禽獸見焰水
虛妄分別起渴心 想見男女受苦惱
以業種種生諸趣 由心作故有著別
造業有報及以受 彼業無有能作者
我等如是解佛法 是諸如來妙境界

1 2 3 4 5 6 7 8 9 10 11 12 3 4 5 6 7 8 9 10 11 12 3 4 5 6 7 8 9 10

是故如來心調伏 諸根寂靜能忍辱
世尊如法得供養 清淨無垢盡諸穢
具足衆德離闇冥 唯佛能施三界眼
我今讚佛所獲福 二足世尊功德聚
以此微妙勝善根 能知我等所得報
願彼當於未來世 唯有出世大導師
爾時世尊知光音天淡信心已及知修行辯才具足
欲令大眾功德善根當復漸漸勝進增長故是時如
來卽現微笑爾時慧命馬勝卽以偈頌問世尊曰
大悲善逝非無因 而現希有微笑相
能利世間無上士 正覺智慧超羣生
兩足世尊功德聚 憐愍衆生願演說
爲誰而現此微笑 殊勝光顯於世間
一切衆生若得聞 心意決定大喜悅
修行善業證佛果 得離生死到涅槃
斯諸世間天人衆 生死苦惱之所逼
願度羣生於有海 演說八正大船路
如是得聞大仙說 具八功德最勝道
世間於是生欣喜 樂修諸善願成佛

勇猛精進有大力 內心清淨離諸疑
 當傳如來所說法 是佛真子順聖教
 此諸衆會無餘念 一心瞻仰大瞿曇
 惟願敷演授記事事 令其決斷疑惑心
 合掌恭敬正意住 咸皆願樂欲聽聞
 善哉願說甘露味 諸有渴法當得飲
 是等一切諸會衆 心淨愛樂勝功德
 瞻仰如來最勝顏 猶如嬰兒觀母面
 大慧願授此天記 開現微笑因緣事
 得聞如來授記已 世間當獲大利益
誰於牟尼增善根 及以發願得滿足
 勅獲微妙功德藏 我今樂聞彼受記
 大衆必生欣喜心 聞佛所說授記故
 決定當具念慧力 及得修行三昧定
爾時世尊卽以偈答慧命馬勝言
 善哉馬勝所問事 辯才應機正是時
 斯卽如來神通力 以是汝今生智慧
 爲利世間故增辯 是故汝今能致問
 我今爲彼說授記 寂靜諸根一心聽
 此諸勝慧光音天 過去已供無量佛

1 2 3 4 5 6 7 8 9 20 1 2 3 4 5 6 7 8 9 20

見是世間孤無救 發心安住欲作佛
修治真實微妙行 必定當成一切智
爲求佛道諸衆生 如迷失徑教正路
如是得聞世尊教 其聲最勝無等等
樂佛功德智慧人 必得究竟到彼岸
彼有智力知善根 決定當獲佛菩提
欣喜已發菩提願 如婦生男稱其心
此天爲求菩提者 示其出世真正路
於不可說那由劫 修習菩薩勝妙行
所化衆生過衆星 安置於佛菩提已

當來具足世間解 自然成就一切智
彼等妙土不可說 世界寬廣有百億
是諸妙刹甚清淨 無量種種勝莊嚴
彼佛國土諸衆生 無三惡趣及八難
一切皆發菩提心 成各得住不退轉
彼諸如來國土中 亦復無有小乘法
衆生悉皆求佛道 便得進趣不退地
是諸刹土衆生類 一切壽命悉齊等
經於十億恒沙劫 皆由值遇諸佛故
若教那由刹衆生 悉得入於小涅槃

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

若復有人化一人 或男或女入大乘
初福比此功德聚 等數譬喻不能及
是故若住大乘者 應當轉化於餘人
馬勝以是因緣故 如來出世甚爲難
猶如優曇極難值 無邊大智如是說
以巧深智善知識 善解方便示正路
安隱無上勝菩提 若人求者應親近
從佛口聞如是語 具足微妙甚深義
一切大衆皆欣喜 穹躍充滿稱心意
那由諸天住空中 皆散天衣旋轉下
欣喜讚聲滿虛空 敬禮無比大神力
清淨妙智度世間 能滅衆生煩惱熱
佛說甘露滅三毒 如阿伽陀消衆毒
得聞智慧斷諸結 世間迷惑多苦惱
於其有趣當得脫 從佛得聞勝法故
徧淨天授記品第二十一

爾時十二那由他徧淨諸天等見諸阿脩羅迦樓羅乃至光音天等供養如來聞授記已欣喜踊躍皆得稱心自現威力而白佛言世尊有三昧名超過一切法菩薩摩訶薩得是三昧已於諸攀緣及一切事皆

1 2 3 4 5 6 7 8 9 200 1 2 3 4 5 6 7 8 9

生樂受不生苦受假使於其地獄事中受諸苦惱皆生樂想或復於其畜生道中受畜生報亦生樂想或復餓鬼道中受飢餓苦亦生樂想或復於彼阿脩羅道中亦生樂想或復人中所受諸苦亦起樂想不生苦想假使截手及以截足割耳劓鼻或復鞭打杖刺入身或復牢獄繫閉或復倒懸或復裁割猶如衣帛或復裹繫及以束縛或復切膾或復鉗搗猶如甘蔗或復蹉踴破如蘆葦或復火燒如酥油炷或復然身熑若明炬或與獅子虎狼爲食或復釀醋及以辛汁澆灌口鼻或復蒸煮及以火炙或與狂象踐蹋其身或復挑目或以銛稍穿刺高舉假使瞋怒來截其首如是一切悉生樂想何以故由彼菩薩於其長夜修菩薩行時發如是願若有衆生施我食者願彼一切得涅槃樂若有與我洗浴身體禮拜奉迎尊重供養若有衆生罵辱於我或復有人讚歎於我若有衆生鞭打斫刺奪我身命願彼一切得涅槃樂乃至覺悟無上菩提彼菩薩成就如是心具足如是業亦復具足如是願於一切衆生皆起樂想常能修集無間不斷以是業報故得一切法樂善最三昧彼菩薩得此三昧時不爲衆魔之所動壞亦不爲魔事之所繫縛

1 2 3 4 5 6 7 8 9 200 1 2 3 4 5 6 7 8 9 200 1 2 3 4 5 6 7 8 9 200

當知是菩薩得五種自在何等爲五一者壽命自在
二者生自在三者業自在四者覺觀自在五者衆具
果報自在彼菩薩摩訶薩若欲過一生證阿耨多羅
三藐三菩提者以彼三昧力故即便能得若不樂速
證無上菩提能住無量阿僧祇劫度脫衆生何以故
當知彼菩薩住於大乘與諸菩薩常爲導師攝受一
切諸餘菩薩是大菩薩狀離諸趣爲衆生故亦復生
於一切趣中究竟一切菩薩所學爲般若波羅蜜之
所攝受具足一切巧方便力知諸魔業得法究竟彼
諸菩薩承佛威神於一切法皆得盡知爾時偏淨諸
天卽以偈頌讚世尊曰

我等一切偏淨天 於諸佛法皆盡知
頭面歸敬天人師 諸根寂靜如寂滅
解了諸義智所供 已度生死牟尼尊
我今讚歎大導師 能善導他非他導
諸法性相非究竟 亦復無有依住處
如來善知妄想事 猶如幻師知幻術
智人解了語言音 榆若深谷諸響聲
世尊如是善知見 一切世間天人等
無有衆生及以命 亦復無人無壽者

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

大智觀察一切想 了達衆想悉歸空
二足世尊慈無等 恒常行慈不暫捨
一切世間諸天人 不能測知如來智
導師演說緣衆生 所謂慈心是善根
了知一切諸衆生 無有衆生及命者
我等於此無垢濁 其心清淨離疑惑
是故於佛勝智慧 應受供者令供養
於其十方世界中 求苦畢竟不可得
如來無上天中天 說於衆生起慈心
斯即是其世尊教 我今得解亦如佛
是故我於世間解 今得供養應供者
既無衆生亦無苦 是故無有可救度
已得遣除心憂悶 便獲欣喜大踊悅
如是佛教不思議 我等已得如實知
是故我今供養佛 願得如來無上智
佛於諸趣不見苦 增上棄捨於生死 以此饒益諸世間
無苦無趣無衆生 涅槃亦復不可得
如是得知佛法已 是故我等今供養
佛具慈悲及喜捨 轉爲世間常演說

1 2 3 4 5 6 7 8 9 201 1 2 3 4 5 6 7 8 9 202

而復不見有衆生 得住於四無量心
不見有其放逸者 亦復不見不放逸
如是知佛教法已 我今供養大導師
於身離身無上士 觀身畢竟不可得
雖然亦非不說念 而說有念失念者
善逝常說修學念 所謂觀身正念處
我等如是知佛法 今得供養救度者
世尊觀受不可得 以受無有體性故
亦復觀察於受者 畢竟無其真實性
又復觀彼修念者 究竟亦復不可得
我等如是知佛法 今得供養天人師
觀心及以心數法 畢竟無體不可得
亦復不見有修念 及以正住念處者
佛說念與心和合 樂求解脫應修學
我等如是知佛教 今得供養正徧知
如來不見有諸法 亦復不見修法者
大聖所說修習念 彼念亦復性自空
復說念與法和合 欲求解脫應當修
我等如是知佛法 今得供養一切智
念處一尚不可得 何況而復有三四

印 1 2 3 4 5 6 7 8 9 201 1 2 3 4 5 6 7 8 9

所謂於彼念住處 彼諸念處皆悉無
是故真求不可得 畢竟無受苦樂者
我等如是知聖教 今得供養佛世尊
牟尼所說四正勤 若有比丘專修習
斯卽能爲解脫路 當得出於生死海
而無解脫無縛者 無佛無教及菩提
然復不壞假名用 是故我今供大聖
佛說四種如意足 勝妙安隱解脫道
寂靜諸根衆生輩 修行此道得涅槃
如意及足修行者 真實觀察不可得
而非斷絕示有作 智慧境界不可見
如是世尊教法中 我等於此皆悉知
其心清淨無垢穢 皆得遠離諸疑惑
以斯卽爲上供養 供養堪受勝供者
是故妙智無倫匹 我今悉得修供養
世間解者說五根 出世能趣解脫道
慎莫放逸常勤修 是爲趣向涅槃路
無根及以修根者 亦無解脫及脫者
我等於此悉無疑 是故今得供養佛
導師所說五種力 非邪能趣涅槃城

1 2 3 4 5 6 7 8 9 201 1 2 3 4 5 6 7 8 9

此能盡滅煩惱縛 令諸縛者得解脫
彼諸力體性自空 煩惱及佛皆亦無
我等於此無疑慮 是故今得供如來
大仙所說七種善 菩提分法最勝道
能解一切衆生縛 趣向涅槃大正路
無有繫縛及解脫 亦無受縛得脫者
我等於斯無疑惑 是故今得供養佛
世尊說此八正路 顯示一切諸羣生
是諸煩惱苦之本 修學聖道能斷除
斯等二法離對治 諸天於此悉無疑
諸天於此悉無疑 故今供養應供者
修奢摩他及舍那 斯道能盡諸苦邊
示受諸苦習氣垢 世尊曠劫已蕩除
奢摩他及舍那果 是等一切皆悉空
天衆於此離疑網 是故我等今供養
佛說不淨治貪欲 慈心對治於瞋恚
毗婆舍那癡對治 如來顯示諸衆生
斯皆無作無暫停 是故無垢亦無淨
我等如是悉無疑 常樂供養大導師
如來所說十不善 斯等名之爲業道

印 1 2 3 4 5 6 7 8 9 200 1 2 3 4 5 6 7 8 9

殺生偷盜及邪淫

妄語兩舌與惡口

綺語貪欲及瞋恚

最後第十名邪見

佛說此等爲不善

是諸衆生惡業道

旣無衆生亦無害

自餘九業亦如是

無有對治諸善惡

以彼自性空寂故

然復非無十力教

以其不壞法體性

我於佛慧亦不疑

是故今供無上智

若有修此如來法

是人卽爲真佛子

彼人處處皆受樂

恒常遠離諸苦惱

如是善逝勝智慧

妄隱引導諸羣生

我等於此離疑心

今悉供養應供者

爾時徧淨諸天偈讚佛已咸皆默然却住一面爾時
世尊見彼天衆默然而住及知彼天深信心已而現
微笑爾時慧命馬勝以偈問曰

今佛世尊最勝智

爲利世間現微笑

十力世雄超一切

而能化伏諸大衆

善解諸法大導師

所現微笑非無因

心無所乏世間解

惟願解說微笑義

此諸大衆皆一心

無其亂想住正念

喜心瞻仰功德山

唯樂聽聞恭敬住

印 1 2 3 4 5 6 7 8 9 200 1 2 3 4 5 6 7 8 9 200

於佛自在大論師 若得聞說必欣喜
善解諸法決定智 當得作佛導羣生
若人於佛生淨信 必成大智世間最
測知微妙甘露句 是人能觀於十方
誰於未來世劫中 當得作佛愍世間
微妙言辭大導師 惟願說彼令衆喜
若於聖雄沙門所 生其敬信尊重心
亦住正法生信慧 一切諸魔不能動
若能生信得決定 卽是佛子從心生
惟願世尊演說法 以是大衆得除疑
若有於其衆生所 慈心普覆徧世間
智慧堅固當成佛 徒得安住一切智
百福莊嚴無上士 惟願開演除疑網
誰欲受持世尊法 如來爲其現微笑
願得聞佛善巧說 具八功德微妙音
先自得趣於善道 後能引導諸羣生
如是善逝微妙法 佛子得住於彼中
世尊佛種不斷絕 必得久住於世間
爾時世尊卽以偈答慧命馬勝言
馬勝汝今問笑光 我爲利益諸世間

印 1 2 3 4 5 6 7 8 9 20 1 2 3 4 5 6 7 8 9 21 1 2 3 4 5 6 7 8 9 22

汝獲福德稱其心 斯福無量不可盡
妙士乃能應時問 以是大利諸衆生
汝及一切大衆等 欣喜一心聽我說
斯等偏淨諸天衆 於我法中悉無疑
一切欣喜淨信心 以偈讚頌我功德
此天曾於過去世 供養千億那由佛
亦於彼佛問斯義 一切法中得無疑
由彼往昔因緣故 今以偈頌讚歎我
亦復淨心當讚歎 賢劫一切諸如來
當於優波羅劫中 成佛大力那羅延
教化不思那由衆 引導入於涅槃城
彼諸大仙成佛時 所得名稱甚微妙
我今爲汝說彼佛 我今爲汝說彼佛
同其劫中悉作佛 一念寂靜善諦聽
咸皆救度不思議 那由他衆入涅槃
彼諸如來滅度已 焚身廣布諸舍利
以此舍利皆起塔 偏滿佛刹如散華
爾時一切佛舍利 各各皆悉廣流布
彼佛一一涅槃後 成皆饒益於世間
不思那由衆生輩 供養彼佛舍利已

印 1 2 3 4 5 6 7 8 9 10 1 2 3 4 5 6 7 8 9 10

當得甘露妙涅槃

三世諸佛之所讚

若有稱彼諸佛名

所獲微妙勝善根

當得成就有學道

值佛轉獲殊勝果

猶如無量難思衆

皆於我所種善根

欣喜信樂清淨心

當得值遇彌勒佛

如是彼佛聲聞衆

從佛復至諸佛所

常得值佛入衆會

皆由供養彼舍利

得聞如斯佛語已

一切大衆生希有

勝妙功德有威神

徧淨諸天清信士

及諸大衆普欣喜

悉皆流注向菩提

得知如來大勢力

咸各頂禮世尊足

大寶積經卷第六十八

校譌

第六紙

十六行當宋
南藏作能

音釋

膾

古外切
切肉也

鉢搗

鉢直追切擊也
搗都皓切春也

蹉踴

蹉七何切
足踴也

蘆葦

蘆落胡切葦于鬼切初生

蘆

葭稍大爲蘆長成名葦

蘆

醸

釀爲

醸

味

醸

倉故切

澆灌

澆堅堯切沃也

澆

灌古玩切澆也

鉢

鉢莫浮切鉢

鉢

鉢兵也二丈爲

鉢

鉢稍所角切矛

挑目

挑土周切

屬

長丈八爲稍

挑

撥也

目

取也

1 2 3 4 5 6 7 8 9 201 1 2 3 4 5 6 7 8 9 210 1 2 3 4 5 6 7 8 9 220

金壇居士王林鋗共施貲刻此
大寶積經第六十八卷 豫章沙彌德定對
儀真趙之昂書 吳縣金世科刻
萬曆乙未孟秋徑山興聖萬壽禪寺識

大寶積經卷第六十九

高齊北天竺三藏那連提耶舍譯

菩薩見實會第十六之九

廣果天授記品第二十二

爾時八億廣果諸天見諸阿脩羅迦樓羅龍及龍女
鳩槃茶乾闥婆夜叉緊那羅摩睺羅伽訶羅伽闍天
四天王天三十三天夜摩天兜率陀天化樂天他化
自在天梵摩天光音天徧淨天等供養如來聞授記
已欣喜踊躍皆得稱心入一一法門從一一法門見
無量法門於一切法門得無量辯不斷辯相應辯解

印 1 2 3 4 5 6 7 8 9 201 1 2 3 4 5 6 7 8 9

陀辯無著辯無礙辯微細辯甚深辯種種辯美妙辯
相續辯於諸辯才皆悉知已於如來所敬信尊重而
作是言世尊有陀羅尼名無量門若有菩薩修集是
陀羅尼者當知得彼不斷辯等於一切境界中心不
迷惑是諸境界無有一法非陀羅尼是菩薩摩訶薩
得是陀羅尼時於諸法中悉得陀羅尼解辯才無礙
若菩薩住是無量法門陀羅尼時於五陰入十二入
入十八界入於諸根入四諦入十二因緣入於衆生
入及非衆生入於有入非有人於取想入非取想入
於依入非依入於空入於我入於相入非相入於願
入非願入於有爲入無爲入如是一切處得不壞辯
才是菩薩於陰入中得陀羅尼所謂色陰者卽非成
就何以故無有少色法得成就者何以故地界性非
成就如是水火風界性亦非成就何以故地性離故
若法無體性是名非成就如是水火風性自離故以
法無體性是故非成就如是色非成就以非成就故
不可說名過去現在及以未來何以故色非有法故
是故不可得若色不生者卽是不滅以不生滅故卽
不可說復有如是說所有過去色現在未來色此等
和合名爲色陰其色體性亦不可得何有過去現在

1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9

未來是故色陰非是可說受想行識亦復如是是故
 陰入卽是阨羅尼入以阨羅尼入故陰不可得以陰
 不可得故阨羅尼亦不可得以故阨羅尼入不可得唯
 是但名但用但假但是世俗但是言說但是施設非
 謂陰等非是作法以非作法故無有積聚以積聚故
 得名爲陰譬如世間多物積聚假名城屋舍宅殿堂
 重閣樓闕窓牖欄楯城壁女牆却敵寮孔周廻具足
 名之爲城彼色性卽不可得無有積聚以無積聚故
 卽便無色亦無色陰受想行識亦復如是性不可得
 無有積聚以無積聚故卽便無識亦無識陰彼諸陰
 入應如是知彼眼入者是誰入謂苦入何者是眼謂
 淸淨四大所造色名爲眼何等是四大謂清淨地界
 水火風界彼淨地界性自離故以法體不可得彼卽
 非成就如是清淨水火風界體性自離以法體不可
 得彼卽非成就如是眼入非成就是故不可說言過
 去現在未來何以故眼入非物以非物故不生不滅
 若不生滅者卽是不可說如是眼不生滅入亦不生
 滅以不生滅故卽是不可說應當如是知唯是但名
 但用但假但是世俗但是言說彼名名體亦離自性

印123456789201234567892101234567892201234567892301234567892401234567892501234567892601234567892701234567892801234567892901234567892

何以故無有一法得名爲眼名爲入名爲苦以名不可得是故眼入亦不可得以眼不可得卽是陁羅尼入是陁羅尼入亦不可得何以故性自離故但名但用但假施設世俗言說如是以眼入入得陁羅尼得陁羅尼已便得辯才當知耳鼻舌身意色聲香味觸法亦皆如是於彼界入得陁羅尼眼眼體不可得界體不可得何以故眼離眼性故界離界性故以法體不可得彼卽非物以非物故卽非成就非成就者不生不滅以不生滅故彼卽非過去非現在非未來但各但用但假但世俗但言說但施設彼名離名自性乃至施設亦離施設自性若法無自性不可得者卽是非物以非物故卽非成就非成就者卽非生滅以不生滅故彼卽非過去非現在非未來若於三世所不攝者彼名卽非相亦非想非用非假非有爲非可說非來非去非可爲他說非可顯示非可知非可識非黑非白非窟宅離窟宅故非至非可至故非得非可得故非證非可證故非凡夫亦非凡夫地非聲聞亦非聲聞地非緣覺亦非緣覺地非菩薩亦非菩薩地非佛亦非佛地非地亦非非地此卽是真如不異如非非如寂滅無相但用但假謂如來者但世俗故

1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9

說名如來非第一義有如來也何以故彼法不可得
故無如來於彼界入應當入如是眼耳鼻舌身意界
法界意識界如是一切餘界亦應知應當如是廣入
法界世尊彼法界說言陰時而不壞彼法界本性說
言入時說言界時說言四諦時說言十二因緣時亦
不壞本法界體性彼法界隨所說處一切諸法建立
名字皆不壞彼法界體性世尊譬如地界隨其所在
作異名字而不壞彼本地界性世尊如是法界隨其
所在作異名字亦復不壞法界本性如是水火風界
亦復如是世尊譬如虛空隨其所在差別異用而不
壞彼虛空體性世尊如是法界隨其所在差別異用
而不壞彼法界體性世尊入諸根時卽是入法界言
諸根者所謂眼根耳根鼻根舌根身根意根男根女
根命根樂根苦根喜根憂根捨根信根精進根念根
定根慧根未知欲知根知根知已根彼眼眼體不可
得根根體不可得何以故是眼離眼自性故以法無
體性彼卽非物以非物故卽非成就非成就者彼卽
不生若不生者卽是不滅以不生滅故不可說言彼
是過去現在未來若於三世中不生滅者彼卽非眼
亦非眼根云何有用應如是知世尊譬如空拳虛詎

印 1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 220

無物但有名字乃至言說於第一義中空拳亦無如是眼及眼根猶如空拳虛妄非實而現虛相詭惑凡夫但有名字乃至言說於第一義眼及眼根俱不可得如是世尊得一切智已爲度衆生故說名爲根彼等諸根於第一義性自離故根體皆空其法體空者用亦虛妄非有非實詭惑凡愚離自性故不生不滅不生滅者不得說言彼是過去現在未來若於三世中無者彼卽無名無相非可說非可爲他說非生非可生非已知非當知非已聞非當聞非識非可識非已證非當證非已得非當得非已見非當見非已到非當到何以故彼非有故世尊譬如有人於其夢中受樂喜笑嘵語遊戲是人爾時從寐寤已憶念夢中受樂遊戲念已求之不見不得何以故彼人夢中受樂喜笑嘵語遊戲尚自無實何況寤時若見若得無有是處世尊如是諸根猶如夢中受樂遊戲實不可說言彼是過去現在未來若於三世中不可得者彼卽不可說一切諸法體性亦不可得以不可得者彼一切法入一切法卽是入法界世尊入四諦法卽是入法界何等爲四謂苦集滅道世尊亦說一切諸法

皆悉是空非衆生非命非補特伽羅非想非相我等
於此法中無有疑慮世尊以無衆生故亦復無苦何
以故衆生無處苦諦亦無以無苦故集諦亦無何以
故無如是因而無果者世尊以無集故滅諦亦無何以
故無集諦故亦無斷集以無滅故道諦亦無何以
故無有是道不斷集者世尊道果者謂是滅諦彼煩
惱不可得斷煩惱滅亦不可得以滅不可得故道亦
不可得無有如是道而無其果此四聖諦但是分別
虛妄非有以非有故不可說言過去現在及以未來
若於三世中不可得者彼卽非生非滅非相非想非
設非可設非示非可示非顯非可顯非語言非可語
言非言辭非可言辭非說非可說非見非可見非知
非可知非識非可識非測非可測非達非可達非到
非可到非得非可得非聞非可聞非見非可見非對
非可對非證非可證非白非黑非明非暗非去非來
非淺非深非清非濁非畏非安非縛非解非憎非愛
非煩惱非清淨非智非非智非路非非路非壞非非
壞非攝受非非攝受非生死非非生死非可得非不
可得非衆生非非衆生非命非非命非壽者非非壽
者非我非非我非物非非物非空非不空非相非非

相非願非不願非依非不依非有爲非無爲非斷非
常非邪非正非實非妄非妄想非非妄想非處非
處非宅非非宅非知非不知非捨非修非生死非涅
槃非覺非不覺非凡夫境界非聲聞境界非緣覺境
界非菩薩境界非佛境界非境界非非境界非作非
不作如是入諦即是入法界入法界已卽得阨羅尼
得阨羅尼已卽得辯才入十二因緣即是入法界無
明緣行行緣識識緣名色名色緣六入六入緣觸觸
緣受受緣渴愛渴愛緣取取緣有有緣生生緣老死
憂悲苦惱是衆苦大聚如是無明滅則行滅乃至憂
悲苦惱滅衆苦大聚滅世尊彼無明無明體不可得
何以故性自離故若法無體性彼卽非物以非物故
卽非成就非成就者非生非滅非生滅者卽非過去
非現在非未來若於三世中不可得者無名無形無
相無想亦非差別唯是但名但假但用但世俗但言
說爲教化一切凡夫衆生故彼無明於第一義實不
可得不可得者卽非差別用亦不可說世尊若是但
名乃至但施設彼卽非實唯是虛妄言說分別覺觀
非定但是戲論彼無明若無自性者云何能生行無
明無故行亦不生以不生故彼卽不老不病不死不

1 2 3 4 5 6 7 8 9 10 11 12 13 14 15 16 17 18 19 20

流轉卽不生何以故若不生者云何有老以無老故乃至不生若不生不死者卽是一切過現未來諸佛菩提但世俗名字非第一義所言無明卽是菩提當知諸有支亦復如是如是入十二因緣當知卽是入於法界世尊如來不生一切諸法亦不生是故一切法卽是如來如來不滅一切諸法亦不滅是故一切法卽是如來世尊如來無相一切諸法亦無相是故一切法卽是如來略而言之如是無相不可得非垢非淨非愛非憎法界不可識亦復不可知世尊真如者卽是如來一切諸法卽是真如是故一切法卽是如來世尊實際者卽是如來一切諸法卽是實際是故一切法卽是如來世尊隨所法中卽有如來於其法中卽有一切法是故一切法卽是如來世尊若有夫人言如來得阿耨多羅三藐三菩提者彼諸衆生是計著見何以故如來不二菩提亦不二不二者不能覺悟於不二世尊若復有人作如是言如來轉於無上法輪彼諸衆生是執著見何以故如來非進退世尊若復有人作如是言如來滅度無量衆生是故無有一切皆是執見何以故一切諸法實無衆生彼等一得滅度者世尊若復有人作如是言如來利益無量

衆生彼等一切是取著見何以故如來不爲利益衆生亦復不爲不利衆生出現於世世尊若復有人於未來世作如是言如來捨壽彼諸衆生皆是執見何以故法界無攝受亦無捨故世尊若復有人作如是言如來入於無餘涅槃界彼諸衆生是計著見何以故法界非生死亦非涅槃世尊若復有人於我所說法能決定知者彼諸衆生於阿耨多羅三藐三菩提皆不退轉世尊假使法界有其變異是諸善男子善女人能如是信者必定當覺無上菩提無有變退爾時八億廣果諸天於世尊所演說自己所證法已頭面禮足右繞三匝却住一面合掌而立異口同聲以偈讚佛

敬禮善逝知法者 那羅延力大導師
憐愍一切勝牟尼 方便示現於真實
既自了知一切法 如實顯示諸世間
稽首無量功德身 智慧最勝無上士
如是真實微妙法 聖說相應無有異
世尊無等大醫王 能令衆生法眼淨
敷演八種真聖路 爲得無上大菩提
歸敬無量功德身 智慧最勝無上士

12345678901234567890123456789012345678901234567890123456789012345678901234567890

顯示菩提正直道
獲得無等勝菩提
度脫多億那由他
頂禮無量功德身
觀察五陰悉空無
彼陰卽體離諸觀
凡夫於此悉被縛
智者於斯得解脫
諸界卽體性自空
彼空亦空無自性
凡夫於此皆被縛
智者觀察得解脫
諸入無體自空寂
猶如空拳虛非實
凡夫妄起取著心
墮落生死皆喪壞
彼等諸根性自空
譬如鏡中現面像
凡愚無智於此著
猶如衆鳥入羅網
畢定趣向大涅槃
寂滅安隱最堅固
輪迴生死苦衆生
智慧最勝無上士
陰體畢竟不可得
唯詭愚惑癡衆生
猶如獮猴膠所粘
遊行無礙如空風
一切智人如是說
究竟求之不可得
都由不知真實性
於其三界無所著
一切智人如是說
皆由於法生疑惑
猶如商人沒巨海
畢竟推求不可得
其像無實畢竟空
正由不知真實法
亦如淵中所釣魚

1 2 3 4 5 6 7 8 9 10 11 12 13 14 15 16 17 18 19 20

衆生無體離生相 依真求之不可得
譬如壁上彩畫像 究竟無實衆生相
凡夫無智而取著 皆由不知真實義
智者觀彼得解脫 猶如卵生出於殼
因緣生法悉無常 皆悉空寂離攀緣
譬如夢中所受樂 非實詭惑癡凡夫
愚無智慧爲彼縛 智人觀察得離脫
如佛功德不思議 由不思量妄分別
諸法無相如牟尼 猶如飛鳥出籠網
諸法無依如如來 於其三界不取著
是故所有成佛者 不起自身及他想
諸法無怖如世尊 皆由得知此義故
諸法難思如導師 唯佛能知導羣生
法無分別如善逝 非是凡夫心所行
是諸如來妙境界 唯佛大聖能了知
若有無智作是言 佛證無等大菩提
若復有人作是言 世尊已轉妙法輪
若復有人作是言 善逝已度那由衆
彼悉爲見之所縛 皆由不知真實性

12345678920123456789201234567892012345678920123456789201234567892012345678920

若人謂佛如是說 殺害行陰及與命
若言十力入涅槃 利益無量衆生已
彼人一切皆執見 入於魔腎之所縛
不能解知真如法 以不知故不知佛
若有善知是非者 彼皆能知大導師
當獲無上功德聚 成佛憐愍於世間
斯卽真如無變易 一切諸法離疑惑
人中無上最勝尊 我等已知如是義
如是廣果諸天衆 咸皆於法得盡知
對佛導師自演說 現已內心淨信解
一切欣喜無疑慮 各自見已當成佛
此是如來微妙法 彼卽自受導師記

爾時世尊知廣果諸天深信具足於佛法中決定無
疑欲令大衆種善根故而現微笑爾時慧命馬勝以
偈問世尊言

智慧導師功德山 非是無因而現笑
我從善逝親自聞 世尊現笑必有因
如來示此微笑相 令衆皆受清涼樂
天人修羅大導師 惟願演說笑因緣
今見如來從面門 所現微笑甚清涼

此諸衆會悉懷疑 一心瞻仰如來面
大悲最勝人中上 願說希有微笑因
世間若得從佛聞 決定必除疑惑心
世尊彼等諸天衆 咸皆演說自授記
以何功德獲何果 開演微妙梵音聲
開演微妙梵音聲 惟願普斷諸有疑
一切大衆聞佛說 皆悉踊悅甚欣喜
斯等合掌皆一心 淨信瞻仰恭敬住
佛子天衆各思惟 希求無上大菩提
是諸衆會有疑惑 惟願如來爲除斷
必當得力知是非 具足成就一切智
得聞如來八種音 天衆靡不皆喜悅
當得護持如來教 隨順正法如說行
觀察知彼天心已 無上大智願解說
以是大衆生欣喜 於佛法中得信解
今於導師願得聞 天衆過去所修行
若蒙如來解說已 所願皆悉得滿足
廣果諸天如法行 必得成就一切智
當度世間諸羣生 顯示真如法體性
爾時世尊卽以偈答慧命馬勝曰

10123456789201234567892101234567892201234567892301234567892401234567892501234567892601234567892701234567892801234567892901234567892

善哉馬勝汝知時 今者問我正是宜
我爲廣果諸天輩 於此大衆現微笑
今當爲汝分別說 咸皆一心共諦聽
所現微笑因緣義 汝及大衆悉得聞
如來具足一切智 觀察因緣有三種
二足德聚正觀已 而現微笑示世間
有樂住於涅槃者 少智微淺願聲聞
復有樂住默然者 志求辟支佛菩提
復有樂求世導師 成佛大力那羅延
我觀彼等深信已 隨所樂欲而度脫
爲求聲聞示現者 當知是其最下笑
應當知我中品笑 當知是其最下笑
馬勝當知此上笑 當知是其最下笑
我說此三解笑因 所謂最下及中上
善解世間勝導師 當知是其最下笑
佛知衆生欲三乘 願樂求證於聖果
爲求聲聞現笑者 微笑光明從足沒
爲求辟支所示現 當知笑光入齋輪
爲受無上十力者 其光從佛頂上入
馬勝汝今應當知 微笑因緣有三種

10123456789201234567892101234567892201234567892301234567892401234567892501234567892601234567892701234567892801234567892901234567892

我向所現微笑光 彼光於我頂上沒
當知光所現微笑 悉爲無上菩提記
我今當更爲汝說 微笑復有三種因
善哉馬勝及大衆 前現微笑爲佛者
前現微笑爲佛者 一心靜意俱諦聽
有光少時住身腰 其光卽從頂上入
我現微笑放光明 須臾沒者爲辟支
斯光隨乘而變現 暫時在於足前住
今復更說微笑因 當知此爲聲聞人
導師所放諸光明 馬勝諦聽有三種
其光旣出皆踈散 還復速聚繞身腰
漸漸轉復更增廣 亦還右繞於如來
有光初停後廣大 漸漸右繞於我身
彼光悉徧世尊形 與身俱等無有異
其光莊嚴佛身相 曙赫猶如真金聚
牟尼所放微笑光 於上徧覆世尊身
有光出已猶如益 當知此光記刹土
有光如華空中住 其光照曜於導師
彼光一切皆右旋 三匝圍繞如來身
當知此光記壽命 出世大智現斯瑞

101234567892012345678921012345678922

斯等三種微笑光 善逝隨根差別現
馬勝汝今應當知 此是三種微笑因
世間導師所現相 善知衆生深信樂
今於如來教法中 汝等聞此得除疑
是諸廣果天衆等 其數滿足有八億
廣說微妙正法門 各於異刹得成佛
壽命具足無有量 經由多劫住於世
是故如來現斯瑞 廣大光明五種色
此諸天衆於過去 三十有六僧祇劫
常得值遇諸世尊 親承供養習諸善
又復經於三十六 阿僧祇劫廣修行
斯等大士住世間 供養如來未曾倦
思惟救度衆生故 數數勤修供養佛
供養世尊應其宜 希求無上大菩提
彼諸天衆未來世 常得作佛那羅延
成妙牟尼功德山 其劫號曰勝金幢
是諸如來各自住 清淨莊嚴國土中
彼佛同號日光輪 具足無量功德聚
一一如來各住世 經於無量那由劫
此諸善逝所集衆 無量無邊不可數

一一尊師成佛時 所有聲聞弟子輩
 十力住經那由劫 箭數彼衆不可盡
 若有筭師悉共聚 亦筭彼衆不能盡
 當時所有諸菩薩 倍多於彼聲聞衆
 皆悉發心住佛乘 願得當成一切智
 於其清淨國土中 悉當成佛具十力
 是諸菩薩所修行 皆如本師無有異
 彼諸如來滅度後 正法興顯久住世
 經於十二那由劫 爲諸佛子所護持
 此諸佛法熾盛時 有發無上菩提心
 其數過於恒河沙 皆悉勤修菩薩行
 彼諸善逝滅度已 所有一切聲聞衆
 斯衆皆悉得涅槃 過於大海諸沙數
 如是彼諸佛正法 具足興顯於世間
 鏡益無量諸衆生 一切大衆皆信解
 如是聞佛所說已 必當得成佛世尊
 是時衆會悉欣喜 廣能利益諸羣生
 無等恭敬於善逝 頭面禮拜如來足
 是故踊躍發精進 如法供養天人師
 猶如有人救頭然

常應親近善知識 勤修般若波羅蜜
此是見實勝進行 汝等比丘應修習
當成無上二足尊 功德如山利世間

大寶積經卷第六十九

音釋

嚧魚祭切寐中有言也補特伽羅梵語也此云數取迦陀迦求迦切穀切魔

腎腎規縣切齊輪齊祖奚切齊輪謂肚齊輪相也數數並所角切頻也

金壇居士王廷鉞施貴刻此

大寶積經第六十九卷敘州沙彌性淨對

儀真趙之昂書上元陶夢桂刻

萬曆乙未孟秋徑山興聖萬壽禪寺識

大寶積經卷第七十

高齊北天竺三藏那連提耶舍譯

菩薩見實會第十六之十

淨居天子讚偈品第二十三之一

爾時淨居諸天子知無量衆生得住菩提於佛法中無有疑慮已稱意踊悅各以妙偈讚佛功德爾時信施天子以偈讚曰

所愛妻子施 幷捨所重身 乃至王位財

爾時樂持戒天子以偈讚曰

我禮檀度者

如來本持戒 一切無所著 獲果到彼岸
我禮戒度者

爾時樂忍天子以偈讚曰
佛昔修忍辱 堪受解支節 初無悔惱心
我禮忍度者

爾時樂精進天子以偈讚曰
不退勇健者 精進有大力 已得上菩提
我禮進度者

爾時樂禪天子以偈讚曰
佛本修禪定 世間所不知 三際得平等
我禮禪度者

爾時威德天子以偈讚曰
大雄於般若 相續而修行 獲得無盡慧
我禮智度者

爾時界慧天子以偈讚曰
布施及愛語 利益與同事 以此度衆生
我禮大導師

爾時淨慧天子以偈讚曰
於大慈悲喜 長夜常修習 以是濟羣生
歸命大船師

東京大学総合図書館所蔵

爾時淨心天子以偈讚曰
以度無諍行 調心大牟尼 能調未調者
我禮調御師
爾時無垢慧天子以偈讚曰
廣心柔軟心 心調及諸根 知諸衆生心
我禮悉知者
爾時淨意天子以偈讚曰
具足正念者 安住堅慧中 明達悉了知
禮覺覺他者
爾時莊嚴心天子以偈讚曰
佛久心清淨 亦淨佛國土 及淨羣生慧
我禮淨法王
爾時無勝天子以偈讚曰
所願無能壞 降伏魔怨力 滿足諸大願
悅豫諸天衆
爾時速營事天子以偈讚曰
如來速知法 亦疾淨衆生 已見難見法
我禮速事者
爾時堅精進天子以偈讚曰
處處悉解脫 離癡無諸漏 已度彼岸住

我禮堅固力

爾時樂威儀天子以偈讚曰

離欲無諸過 除闇得漏盡

爲世勝福田

我禮應供者

爾時善住天子以偈讚曰

世尊住正法 三界所供養 一道安隱行

是故我敬禮

爾時無動天子以偈讚曰

佛如堅固山 不爲風所動 毀譽常平等

是故今敬禮

爾時得平等天子以偈讚曰

大雄色殊勝 具三十二相 有大深智慧

我禮端正智

爾時深慧天子以偈讚曰

非身大身者 安住真如法 顯說於實際

世間無與等

爾時無等礙慧天子以偈讚曰

究竟同不二 勇健能伏魔 不疑於深義

照法到彼岸

爾時喜意天子以偈讚曰

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

喜意本勇健 所學皆通利 棄捨此三界
如蛇脫故皮

爾時定意天子以偈讚曰
譬如闇室燈 油盡故明滅 智者如是滅
由聞佛法故

爾時住舍摩他天子以偈讚曰
如來普觀察 爲欲所結縛 佛能斷彼骨
由執智劍故

爾時多舍摩他天子以偈讚曰
定心及定行 定威儀境界 佛能滅煩惱
我禮伏怨者

爾時無畏舍摩他天子以偈讚曰
學佛舍摩他 菩薩得名稱 正定導引故
成就定心佛

爾時定食天子以偈讚曰

寂滅一切法 大雄所演說 解彼大智者
疾成於如來

爾時常觀天子以偈讚曰

常觀諸衆生 悉隨如來學 獲得勝菩提
滿足大智慧

爾時持德天子以偈讚曰

如來智彼岸 菩薩修學故 成世大威德

能見無量法

爾時造光天子以偈讚曰

彼得不思光 當獲無垢樂 照世如來所

得聞智境界

爾時無垢光天子以偈讚曰

諸法無分別 以善方便故 修習如是智

故成妙丈夫

爾時無所住天子以偈讚曰

無住無觸燒 諸法無所覺 不覺於自他

佛依真實見

爾時宅慧天子以偈讚曰

諸法無窟宅 導師如是見 爲衆生說故

隨順取法相

爾時無依慧天子以偈讚曰

諸法無所依 遠離於彼此 如來顯真實

如掌菴羅果

爾時虛空行天子以偈讚曰

知法如虛空 不生亦不滅 佛見法如是

故能離世間
爾時無積聚天子以偈讚曰
無求亦無慢 無覺無不覺 依真無自性
是佛見世間
爾時修慧天子以偈讚曰
猶如工幻師 幻作種種事 非實而見實
故佛無與等
爾時喜悟天子以偈讚曰
譬如鏡中像 雖見非真實 佛如是見法
不迷於世間
爾時除疑天子以偈讚曰
佛如呼聲響 諸法亦復然 說聞俱非實
是佛見世間
爾時無礙辯天子以偈讚曰
安住正法者 辩才深妙說 世尊久證法
故能具足辯
爾時無障智天子以偈讚曰
依真無自性 一切法如是 如來如實知
故能除闇冥
爾時無憂天子以偈讚曰

無憂亦無惱 無諍無燒濁 諸法無垢染
佛見真實性

爾時行具足天子以偈讚曰
無來亦無去 諸法無所有 如來真實見
如是爲世說

爾時勝慧天子以偈讚曰
無染亦無淨 非愚亦非智 諸法無能所
佛依如實見

爾時得無疑天子以偈讚曰
非明亦非闇 非色非非色 非縛非解脫
佛慧如實見

爾時男目天子以偈讚曰

非局亦非偏 非有亦非無 如夢受五欲

爾時佛見法如實

爾時不瞬天子以偈讚曰

不生亦不滅 亦不住中間 迷彼無智者

唯佛見真實

爾時住空天子以偈讚曰

非人非衆生 非用非世財 隨說故有用

佛能真實見

1 2 3 4 5 6 7 8 9 10 11 12 13 14 15 16 17 18 19 20 1 2 3 4 5 6 7 8 9 10 11 12 13 14 15 16 17 18 19 20

爾時住無相天子以偈讚曰

所用一切法 彼皆悉無相 諸法性相離

導師如是見

爾時無願天子以偈讚曰

因法空無相 以是不起願 假設有願求

唯佛如實知

爾時三昧流注天子以偈讚曰

已得解脫門 無有解脫者 煩惱本亦無

佛見真實性

爾時無毀天子以偈讚曰

捨棄一切惡 集諸功德聚 故佛無毀訾

亦無毀訾事

爾時電雲天子以偈讚曰

猶如雷電雲 降雨充大地 佛注正法雨

充足諸羣生

爾時不唐願天子以偈讚曰

世尊辭無上 能轉正法輪 明達深法理

具足一切智

爾時具智慧天子以偈讚曰

無生亦無滅 諸法自性爾 如來善知故

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30

亦復轉教他

爾時師子吼天子以偈讚曰

如來師子吼 演說空法時 外道皆怖畏

如獸畏師子

爾時業無放逸天子以偈讚曰

現前無放逸 佛修成菩提 導師於正法

無逸到彼岸

爾時住無放逸天子以偈讚曰

安住不放逸 增益佛正法 十力及餘行

佛法不思議

爾時無放逸生天子以偈讚曰

會於無放逸 助道得生天 以此濟羣生

佛亦自解脫

爾時成無放逸天子以偈讚曰

無逸得成就 諸有依解脫 聲聞及菩薩

皆從如是學

爾時不逸行天子以偈讚曰

所有諸佛子 常不放逸行 能取一切智

善觀世間故

爾時無逸護天子以偈讚曰

佛修菩提時 守護不放逸 達得勝菩提
大悲莊嚴故

爾時住不放逸天子以偈讚曰
若住不放逸 捷擇一相法 佛子大勇健
當得父遺財

爾時樂不放逸天子以偈讚曰
勇健樂不逸 能破煩惱山 是等以佛智
疾滅高慢聚

爾時堅持不放逸天子以偈讚曰
守護無放逸 昔求一切智 阿僧祇億劫

爾時舍摩他現前天子以偈讚曰

法寂自性爾 是諸佛境界 智者依彼住

爾時能趣勝菩提

爾時依舍摩他天子以偈讚曰

諸佛依舍摩 依而不取著 衆生煩惱滅

爾時如雨淹諸塵

爾時住舍摩他天子以偈讚曰

諸佛住舍摩 不動如泰山 天魔不能壞

爾時心寂故歸命

爾時舍摩他調伏天子以偈讚曰

舍摩所調伏 佛子無譏毀 憚魔不能動

離欲如羅漢

爾時修舍摩他天子以偈讚曰

大雄昔修習 舍摩他定時 無有知佛心

依何得禪定

爾時舍摩他上首天子以偈讚曰

佛轉正法輪 奮得舍摩他 餘法悉依彼

以是獲菩提

爾時留舍摩他天子以偈讚曰

佛說舍摩他 是爲心籠網 衆生墮迷獄

佛教降伏心

爾時舍摩他境界天子以偈讚曰

諸佛妙境界 是爲舍摩他 修此得無礙

成就大導師

爾時滿足舍摩他天子以偈讚曰

以禪充滿心 復更修習智慧 故佛得菩提

復能安衆生

爾時重舍摩他天子以偈讚曰

不見有餘道 唯在佛法中 獲得大智慧

成就無上士

妙法蓮華經卷中
妙法蓮華經卷中
妙法蓮華經卷中
妙法蓮華經卷中
妙法蓮華經卷中
妙法蓮華經卷中
妙法蓮華經卷中
妙法蓮華經卷中
妙法蓮華經卷中
妙法蓮華經卷中

爾時欣毗婆舍那天子以偈讚曰

佛依毗舍那 能視一切法

菩薩隨順學

成就自然智

爾時生毗婆舍那天子以偈讚曰

到智彼岸故 成就大醫王

顯示四真諦

皆由毗舍那

爾時住毗婆舍那天子以偈讚曰

住毗婆舍那 如實知諸法

勇健證菩提

能成大導師

爾時修盡毗婆舍那天子以偈讚曰

大士以智慧 修習勝菩提

不生識境界

成就大導師

爾時樂毗婆舍那天子以偈讚曰

智者依真實 觀察如此法

能獲無等果

成佛號導師

爾時勤習毗婆舍那天子以偈讚曰

勤修智慧故 能立諸苦行

彼成難降伏

不爲邪道壞

爾時毗婆舍那天子以偈讚曰

妙法蓮華經卷中
妙法蓮華經卷中
妙法蓮華經卷中
妙法蓮華經卷中
妙法蓮華經卷中
妙法蓮華經卷中
妙法蓮華經卷中
妙法蓮華經卷中
妙法蓮華經卷中
妙法蓮華經卷中

所有諸佛子 觀察法相故 知彼法相已
成就調御師

爾時修毗婆舍那天子以偈讚曰
如來於長夜 修習勝智慧 能成一切智
度脫無量衆

爾時殊勝行天子以偈讚曰
佛修一切智 成就大導師 以法濟世間
越渡駛流水

爾時住毗婆舍那天子以偈讚曰
住毗婆舍那 觀察一切法 出生諸佛法
地生尼拘樹

爾時持毗婆舍那天子以偈讚曰
世尊諸佛子 摄受勝智慧 得上菩提已
能度諸衆生

爾時遊戲毗婆舍那天子以偈讚曰
遊戲於諸法 得佛無所畏 無怯亦無怖
勝智大牟尼

爾時隨順毗婆舍那天子以偈讚曰
大雄於諸法 皆會毗舍那 觀察無自性
是卽佛菩提

1 2 3 4 5 6 7 8 9 20 1 2 3 4 5 6 7 8 9

爾時毗婆舍那堅固天子以偈讚曰

諸佛智堅固 於法無所畏 觀見羣生苦

能起大悲心

爾時毗婆舍那天子以偈讚曰

以智趣菩提 有智能善學 彼得勝菩提

度脫諸衆生

爾時修空天子以偈讚曰

修習於空法 智者悟菩提 能壞諸牢獄

亦度結縛者

爾時解空天子以偈讚曰

世尊解空故 不見於身命 無緣無自性

依是爲世說

爾時空境界天子以偈讚曰

一切佛境界 諸法性自空 大雄於中學

愍濟衆生故

爾時信空天子以偈讚曰

如來離臭穢 怖畏亦久度 不著於諸法

如風無所依

爾時樂空天子以偈讚曰

修習空法者 能樂佛境界 彼卽供養佛

亦成無上供

爾時空建立天子以偈讚曰

修習空法故 導師得建立 通達空法已

成就世間親

爾時向空天子以偈讚曰

佛知無一法 不是涅槃者 諸法趣涅槃

此是佛菩提

爾時空成就天子以偈讚曰

已得空寂定 佛子得成就 彼等供養佛

是修空法者

爾時趣空天子以偈讚曰
所有歸空者 有智非愚癡 無著斷煩惱
離垢得菩提

爾時滿足空天子以偈讚曰

佛法得滿足 成就難降伏 所有修空者
能利益世間

爾時住空天子以偈讚曰

安住佛法中 能修空智者 無量諸魔衆
不能動彼等

爾時樂無相天子以偈讚曰

嬉樂於無相 不著有相中 簡擇諸法已

佛能超世間

爾時無相行天子以偈讚曰
習行無相時 清淨寂滅行 離相衆生等
魔不知彼趣

爾時無相境界天子以偈讚曰
無相佛境界 如來於中修 無相難證解
我禮定行者

爾時渴樂無相天子以偈讚曰

此等一切衆 涅槃樂無相法 希求父資財

爾時修無相行天子以偈讚曰

如來於無相 畫夜常修行 天人及鬼神

不知佛所趣

爾時無相解脫天子以偈讚曰

大雄住無相 恩量一切法 導師所修學

是故我敬禮

爾時無相遊戲天子以偈讚曰

大慈現遊戲 常依無相法 成熟衆生故

住於佛智中

爾時無相成就天子以偈讚曰
善修離相者 能得佛菩提 亦能供養佛
如子恭敬父
爾時久樂無相天子以偈讚曰
彼愛佛正法 卽是衆生塔 所有業相者
得住於師處
爾時無相道天子以偈讚曰
衆生諸所歸 依道得濟度 無著寂滅行
如來最無上
爾時信無相天子以偈讚曰
信解無相者 寂滅離諸怨 我禮一切佛
自度度他者
爾時趣無願天子以偈讚曰
世尊所有願 求之不可得 彼等離所作
是佛出世間
爾時修無願天子以偈讚曰
於有不起願 修行寂滅心 斷除渴愛縛
是佛離世間
爾時無願生天子以偈讚曰
彼得大精進 於有離愛染 是等如來子

悉禮自己父

爾時從無願生天子以偈讚曰

彼等不起願 於有而壞有 所能斷愛縛

佛子離譏毀

爾時無願解脫天子以偈讚曰

無願得解脫 不求離諸縛 放捨不起願

佛子持威德

爾時出無願天子以偈讚曰

出離憂曠野 拔斷愛染根 彼等禮如來

得除饑渴者

爾時必定無願天子以偈讚曰

善知有苦者 亦知世樂妄 佛是彼等父

彼爲導師子

爾時向無願天子以偈讚曰

於有見苦者 彼人得調伏 我禮善調伏

破有調御師

爾時超無願天子以偈讚曰

超度有曠野 得住安隱處 普禮大導師

已伏煩惱怨

爾時被無願鎧天子以偈讚曰

戰勝破怨敵 最強難伏者 降諸魔衆已
勇健不求有

爾時無願力天子以偈讚曰
大力於解脫 能斷諸魔縛 是諸佛子等
觀魔如細草

爾時觀身天子以偈讚曰
諸有觀此身 彼能樂佛法 無身無作者
是等隨順法

爾時念身天子以偈讚曰
所有念此身 穢惡不清淨 已知身如土

敬禮大導師

爾時厭患身天子以偈讚曰
繫念於內身 觀見不淨相 彼得離身苦
調伏故敬禮

爾時捨身天子以偈讚曰
捨此膿血身 如蛇脫故皮 敬禮於非身
是大如來身

爾時厭惡身天子以偈讚曰
厭惡膿血身 不淨甚真穢 捨此不淨身
歸敬天人師

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100

爾時患身疲勞天子以偈讚曰

所患爛壞身 佛子求清淨 彼等悉禮佛

所修正法身

爾時怖身天子以偈讚曰

觀知此四大 猶如惡毒蛇 彼等超度身

敬禮大導師

爾時見身過天子以偈讚曰

現前見身過 是得智慧眼 悉照此三有

智者依佛慧

爾時不樂身天子以偈讚曰

所有不樂身 不依法相住 無著於諸結

彼等禮調御

爾時於有起怨想天子以偈讚曰

於有如怨想 修觀壞諸有 佛子如是學

智生悟菩提

爾時壞有天子以偈讚曰

於有見過已 能知惑無畏 佛子勤求道

獲得父遺財

爾時棄有天子以偈讚曰

所修棄諸有 樂住大涅槃 心淨離衆結

我禮大尊師

爾時斷有天子以偈讚曰

斷除有根本 照達三千界 世尊諸子等
所學悉通利

爾時度有天子以偈讚曰

已度於有海 濟拔孤獨者 於此三界中

彼等不在數

爾時破有天子以偈讚曰

佛子修道者 能破於三有 彼是供養佛
以化衆生故

爾時於有解脫天子以偈讚曰

有流得解脫 究竟住後際 大雄出世間

敬禮斷有者

爾時滅有天子以偈讚曰

滅除有根本 度有到彼岸 已斷於後際

世間無如佛

爾時住後際天子以偈讚曰

如來後際住 寂滅到彼岸 度有一切智

覺了未悟者

爾時於有住後際天子以偈讚曰

佛於後際住 說彼三有因 不見有諸結
後能不生有

爾時得滅有天子以偈讚曰 知有空寂已 能解三有因 精進不怯弱
我禮平等者

爾時度有到彼岸天子以偈讚曰 度有到彼岸 拔除有根源 救度諸羣生
導師愍一切

爾時於受無惱天子以偈讚曰 於受無貢高 無思亦無慮 禪事悉知解

觀受如水泡

爾時解受天子以偈讚曰 如來知諸受 本來無自性 凡夫所著處
如夢受欲樂

爾時觀受天子以偈讚曰 有智觀諸受 能取於善道 不生未來受

爾時離受天子以偈讚曰 受及所受者 佛見無自性 能即爲衆說
難知甚深句

爾時決定知受天子以偈讚曰

諸受但世諦 第一義中無

如來說真實

除斷世間疑

爾時善解受天子以偈讚曰

世尊善知受 猶如空中雲

誰迷無智者

獨佛能實解

爾時通達受天子以偈讚曰

如來達諸受 解受到彼岸

知受無我所

說法最爲上

爾時度受天子以偈讚曰

世尊已久度 最難三受海

捨離惡汙泥

佛智號無上

爾時斷受天子以偈讚曰

導師於諸受 了知出世間

超離汙染泥

不著於諸有

爾時思受天子以偈讚曰

如來念諸受 由受苦世間

衆生煩惱縛

佛智真實性

爾時解心天子以偈讚曰

佛心伏煩惱 亦降諸魔怨

依真無所破

故佛號牟尼 佛號讚勸懲 外真無量身
爾時識心天子以偈讚曰
佛久識心相 猶如巧幻師 幻作種種像
故佛號應供
爾時心行天子以偈讚曰
大雄已修行 能斷心所緣 億劫阿僧祇
心性不可得 由是出世間 跋摩王率地
爾時攝心天子以偈讚曰
躁動難調伏 無體而住窟 佛斷速疾心
故能受勝供 量度三受戒 於攝心地那
爾時簡擇心天子以偈讚曰 七華
佛已簡擇心 衆生爲心縛 佛能真實知
如幻師教子
爾時修心境界天子以偈讚曰 五華
所行心境界 導師決定見 如夢受五欲
迷彼愚癡者
爾時心自在天子以偈讚曰 五華
調伏作業已 心無分別事 如來見心相
世間所不知

爾時心勇天子以偈讚曰 五華
心勇天子以偈讚曰 五華

所言心勇者 能破魔軍衆 以心見心者
觀心不疲倦

爾時建立天子以偈讚曰
如來觀衆生 於法建立者 以心能知心
彼則真佛子

爾時定心天子以偈讚曰
所有伏心者 彼能行寂滅 是等離諸縛
不爲魔所惱

爾時柔軟心天子以偈讚曰
勇健柔軟心 調伏衆生輩 所樂佛法者
不著於諸欲

爾時淨心天子以偈讚曰
善心樂清淨 審思而作業 聞佛正法已
無疑於深義

爾時住法天子以偈讚曰
所有向法心 深樂不退沒 彼是真佛子
已到調伏地

爾時思惟法天子以偈讚曰
思惟於法界 境界無非一 一切法界淨
諸佛所學處

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30

爾時法界建立天子以偈讚曰

法界所建立 是大慈悲心 能住一相中

彼是真佛子

爾時法界境界天子以偈讚曰

世尊說法界 是爲諸佛土 大士所行處

此智不思議

爾時法界生天子以偈讚曰

法界所出生 是智難思議 不疑深佛法
亦知諸根性

爾時入法界天子以偈讚曰

入深法界者 解法無與等 是力不思議
亦得諸妙願

爾時法界無畏天子以偈讚曰

已得無畏法 是住安隱處 所有辯才力

無能與等者

爾時善解法界天子以偈讚曰

如來解法界 亦達一切智 示現法界相

如掌菴羅果

爾時住法界天子以偈讚曰

世尊住法界 見法真實性 不依亦不離

不取復不捨
爾時法界行天子以偈讚曰
如來行法界 寂靜如虛空 境界大牟尼
敬禮慈悲父
爾時歸法界天子以偈讚曰
隨其種種門 世尊說法界 彼彼法門中
無心亦無色
爾時法界精進天子以偈讚曰
世尊說精進 能知於法界 因修精進故
覺智到彼岸
彼得住菩提
爾時徹法界天子以偈讚曰
世尊徹深法 故能觀世間 法界悉知已
我禮天人師
爾時住智處天子以偈讚曰
是處人中上 如來智所得 法界及十方
導師所行處
爾時住處天子以偈讚曰
爾時住處天子以偈讚曰

1

123456789

20

123456789

20

123456789

法界是住處衆智所行道諸有一切法
悉作一相解

爾時知處天子以偈讚曰
世尊知法界已作一相修衆生諸欲性
佛亦悉了知

爾時出處天子以偈讚曰
能取一切智是謂諸佛子於此法界處
唯智所能知

爾時學處天子以偈讚曰
所習法界者安住菩提中得達自然處

詎疾成於如來
爾時非處學天子以偈讚曰

所見非處者能樂如來敎千億衆魔軍
不能迷惑彼

爾時知非處天子以偈讚曰

所有知非處智者得欣喜我等修菩提
億魔不能動

爾時深密處天子以偈讚曰

善學深智處安住正法中能乘魔波旬
如車駕調馬

爾時善非處天子以偈讚曰
非處善法界 習學於一相 若魔能惱者
佛說無是處

爾時住處天子以偈讚曰
是處及非處 示現愚癡者 如來自覺已
復爲衆生說

爾時善取天子以偈讚曰
彼因所取事 及昔所作業 彼因修業處
世尊皆悉知

爾時巧業天子以偈讚曰
貪欲及恚癡 佛亦知因業 爲因爲業者
如來悉知彼

爾時知當來天子以偈讚曰
知彼當來世 衆生所作業 彼因所作事
是處佛悉知

爾時恩現在天子以偈讚曰
普及十方界 衆生業與因 處及因業事
導師悉了知

爾時力境界天子以偈讚曰
若業若與因 處所及出生 如來無不知

故稱天人師
爾時樂力天子以偈讚曰
因業及處所 三世果報中 彼有所作事
如來皆悉知
爾時力主天子以偈讚曰
因業所作事 報因及因緣 處所性自離
是佛無有等
爾時力吉祥天子以偈讚曰
因業所作事 處因緣世諦 所受用果報
佛知彼悉空
爾時力悅天子以偈讚曰
因業所作事 谷諦因緣處 佛自悉知已
說彼無自性
爾時力遊戲天子以偈讚曰
因緣所作事 處因緣世諦 不由自他生
佛知從緣起
大寶積經卷第七十

音釋

第七紙

十一行譯
宋藏作靜 十一行知彼宋

校讌

卷七

第十三紙

十一行知彼宋

1 2 3 4 5 6 7 8 9 10 11 12 13 14 15 16 17 18 19 20 1 2 3 4 5 6 7 8 9 10 11 12 13 14 15 16 17 18 19 20

觸燒

觸樞玉切觸犯也燒而沼切擾同亂也

瞬

舒閑切目動也駛陳士切疾也

局

渠玉切

渠玉切大

拘也

金壇

居士孫雲仍施貲刻此大寶積經第七十卷爲

父孫

守亮

母王氏求

長

安

養吉祥如意者

求

胡徐普書

人漂水端學堯刻

沙彌性淨對

對

對

對

對

對

對

馬曆丙申孟春經山與聖萬壽禪寺識



一一十四